

# *NY FAMPAKARANA*

 Ny fivoriana eto—eto Yuma, tombontsoa lehibe iray ny mahazo an'ity fanasana mba hiverina indray ity. Nanana fotoana iray nahafinaritra izahay, tamin'ilay fotoana farany teto. Ary avy eo rehefa azoko fa tsy maintsy hiverina indray aho, dia nanao ahy hahatsapa ho tena tsara izany, ny mandre an'ireo fijoroana vavolombelona sy ireo teny mahafinaritra avy amin'ny olona, ary karazany manome hery kely anareo.

<sup>2</sup> Niteny tamiko i Billy fa ilay rahalahy avy any Las Vegas, izay naniry fihaonana iray tany amin'ilay fivoriana, hahita azy aorian'ny fifaranan'ny fotoana avy hatrany eto. Manana fotoana iray izahay, hoy izy, izay azonay atsofoka, amin'ny Janoary mihitsy, alohan'ilay fivorian'i Phoenix, hitanareo, mba hahatongavana any Las Vegas. Ary noho izany dia tianay foana ny handeha ho any.

Mino aho fa Rahalahy Art Wilson dia efa tany taloha, fotoana ela lasa izay, na mety mbola any foana izy. Ary izy—nangataka ahy izy ho avy, izy sy Ranabavy Wilson. Tsy nanana an'ilay fanararaotra aho, noho izany dia izao angamba no ho fotoana ahafahako ho avy.

<sup>3</sup> Jereo fotsiny i Billy Paul na Rahalahy Roy Borders. Heveriko fa ato izy any ho any. Nisy olona nilaza fa tato Rahalahy Roy. Rahalahy Pearry, Lee, na ny iray amin'izy ireo, izy ireo no afaka hiteny aminareo. Apetraho fotsiny ireo daty hahatongavanay.

<sup>4</sup> Ankehitriny, nahita mpitoriteny maro aho teto, vao teo, ka tena faly aho mihaona amin'ireo rahalahiko. Maniry aho ny hanana fotoana, handeha any an-trano miaraka aminareo, satria fantatro fa ianareo no manana ny mpahandro tsara indrindra izay misy eto amin'ny firenena. Mahafinaritra izany.

<sup>5</sup> Ary ankehitriny, Rahalahy Pearry dia manana anankiroa marina tokoa, izao hariva izao, eo aminy. Manana marika anankiroa manohitra azy izy ankehitriny. Ny anankiray amin'izy ireo, dia nanapaka an'io fanamafisam-peo, etsy io. Fa, ianao dia—voatazona ho tompon'andraikitra amin'izany ianao, Rahalahy Pearry. Tsy mihevitra aho fa tompon'andraikitra marina tokoa ianao. Saingy ianao... Nisy olona iray saika hiteny. Izany no anankiray tsara.

<sup>6</sup> Ary avy eo, indray, dia nandeha teo izy ka niresaka. Hoy izy hoe, “Hono ho’aho!” Niteny tamin-dRahalahy Collins na ny iray tamin'izy ireo. Hoy izy, “Tsara ilay sakafio hariva. Saingy,” hoy izy, “teneniko aminareo,” hoy izy, “tsy maintsy ho Espanöla iray io lehilahy io na tahaka an’izany, na Meksikana iray. Izany no sakay masiaka indrindra izay hany nandramako.” Nanohy tahaka an’izany, ary niresaka tamin'ilay sefo izy.

Hoy izy hoe, “Izaho no sefo.”

<sup>7</sup> Izany no Texas, ho anareo. Hanao azy hilamina izahay, eto any Arizona, afaka kelikely, (sa tsy izany?), raha mipetraka manodidina anay izy.

<sup>8</sup> Mahafinaritra marina tokoa ny tonga eto! Ary ataoko fa tsy toy ny hoe vazivazy izy ireo, fa toetra mampihomehy. Fa, ny Tompo Izy tenany dia nanana toetra mampihomehy iray, fantatrareo. Hoy Izy hoe, “‘Heroda,’ mandehana teneno amin’izany amboahaolo izany,” hitanareo, “anio Aho dia mandroaka—mandroaka devoly; rahampitso Aho dia ho tanterahina.” Noho izany, nanana toetra mampihomehy iray Izy. Eny, tsy handratra antsika izany, tsy mihevitra aho, matetitetika.

<sup>9</sup> Ary tara kely izao ankehitriny. Ary, mazàna, izaho—izaho dia mitory teny eo amin’ny adiny efatra eo. Noho izany ity, eo am-pahafantarana ny fomba fanajan’ny rahalahy sy anabavy eto, ilay fivoriana, dia hafohezintsika izany, izao hariva izao. Ary izao fotsiny . . . Niteny tamin’i Terry aho. Nilaza aho . . .

Hoy izy hoe, “Inona no . . . Hametraka horonam-peo iray adiny roa ve?”

<sup>10</sup> Hoy aho hoe, “Tsia, Terry. Ity dia fa—fanasana iray.” Hoy aho hoe, “Eo amin’ny telopolo na efapolo minitra fotsiny, no hiresahako zavatra iray amin’ny olona.” Fa, efa niezaka aho, na izany aza, isan’andro, nahafantatra an’izany.

<sup>11</sup> Fony aho zazalahy kely, dia tonga ny olona taloha mba hihaino satria zazalahy mpitory teny iray aho, zazalahy tanora iray fotsiny, tovolahy iray. Dia hoy izy ireo hoe, “Eny, Billy Branham, fantatrareo, ankizy iray fotsiny, tsy nahatapitra ny sekoly mihitsy, ary tsy manana fianarana.” Ary tonga izy ireo mba hihaino an’ireo teniko tapatapaka, ny Anglisiko an’i Kentucky, ary—ary noho izany izy ireo . . . ny “hits,” sy “hain’ts,” sy “totes,” ary “carry.”

Tahaka ny tao amin’ny iray tamin’ireo fivoriana teto vao tsy ela akory izay, hoy izy ireo hoe, “Hitsangana isika rehetra ka hihira ny hiram-pirenena.”

<sup>12</sup> Nitsangana aho ka nanao hoe, “Ho an’ny tranoko trrainainy an’i Kentucky lavitra any.” Izany no firenena tokana izay fantattro, koa izany no hiram-pirenena, raha ny amiko.

<sup>13</sup> Koa ankehitriny, rehefa miha-antitra ianareo, na izany aza, nahoana, isika . . . tonga ianareo, tsy maintsy manana zavatra iray mihoatra noho izany ianareo. Hitanareo? Isika dia haka . . . Paoly no nilaza, hoe, “Fony mbola zaza aho, dia niteny tahaka ny zaza ary nisaina tahaka ny zaza.” Mihetsika tahaka ny zaza ianareo. Fa satria mitombo miha-antitra ianareo, amin’izay fotoana izay ianareo dia manomboka, manao ny dinganareo voalohany vitsivitsy, ary mitongilana dia mianjera,

ary mitsangana ka manandrana an'ilay izy indray. Avy eo ianareo, afaka kelikely, dia tonga eo amin'izay ahafahanareo mandeha eo amin'ny tsipika mahitsy iray. Ary izany no tokony hataontsika, amin'ny maha-miaramilan'ny hazo fijaliana. Izao no fotoana handehanana eo amin'ny tsipika mahitsy iray, eo amin'io lala-malalaka mankany amin'ny Voninahitra io.

<sup>14</sup> Tena mino aho fa miaina ao amin'ireo sehatra famaranana ny tantaran'ity izao tontolo izao ity isika. Mino marina tokoa aho fa ny Fihavian'ny Tompo dia akaiky kokoa, angamba, noho izay neverintsika. Noho izany ankehitriny, mandritry ny eo amin'ny telopolo minitra an'ny fotoanareo, na tahaka an'izany, dia tiako ny hisintona ny fifantohanareo eo amin'ny Soratra iray izay tiako hampiasaina ho an'ny lahateny iray, ary—ary hitodihana amin'ny sasany amboniny eto. Izaho . . .

Nipetraka tao an-trano aho, indray andro, nieritreritra teo amin'io fisainana io. Noho izany dia nieritreritra aho hoe, "Eny, tsy fantatro, hiresaka avy amin'ity Soratra rehetra ity. Haka ampanahan'Izany fotsiny aho, ary ho an'ireo fotoana fohy tahaka ny ananantsika izao hariva izao fotsiny." Te-hilaza zavatra anankiray aho, raha mbola mamadika ao amin'ny Salamo ianareo. Ny—ny voalohany . . . Ny Salamo faha-27, tiako ireo andininny dimy voalohany, no ho vakiana.

<sup>15</sup> Tiako ny hilaza an'izao, mikasika an'ireto fivorian'ireo mpandrahaharan'ny Full Gospel Business Men ireto.

Ny Rahalahiko Pearry dia niresaka mikasika an'ireo boky, sy ny sisa, ary ireo boky vaovao izay ananan'izy ireo. Firy no mahatsiaro rehefa nanana an'ilay horonam-peo izahay, ka nitory an'izany teto Phoenix, tao amin'ny anankiray tamin'ireo fivoriana, ny *Tompokolahy, Amin'Ny Firy Izao?* Ankehitriny, izany no fanombohan'io boky io, hitanareo, rehefa ireto . . . niseho io.

<sup>16</sup> Misy fanamarinana ivelan'ny voajanahary marobe an'ny Tenin'Andriamanitra voasoratra, mikasika an'ity ora ity, mba tsy hanatonan'ny zavatra iray antsika ankehitriny. Isika fotsiny dia . . . Tena misy loatra ilay izy. Ireo zavatra izay ianareo . . . Hahatalanjona izany, ho anareo, mamela anareo hahafantatra fotsiny an'izay miseho marina tokoa. Maro aminareo, vahiny, angamba, no mandre an'ireto lehilahy ireto mitsangana ary manao—manao an'ireo fanamarihana ireo, mikasika ny hoe, "Ny Hafatr'izao ora izao," sy ny sisa. Ny tian'izy ireo hahatongavana, dia ny teny fikasan'Andriamanitra an'izao ora izao, izay Nampanantenainy fa Hataony. Ary mahita Azy isika manamarina ara-tSoratra marina tokoa an'izay Nolazainy fa Hataony, amin'ilay fanao iray ihany. Voateny mialoha, miseho tanteraka marina tokoa, isan'andro, satria Andriamanitra no nilaza an'ilay izy.

<sup>17</sup> Raha olona iray, tsy ahoako na iza izy, no hanandrana hanao filazana mialoha iray tahaka an'izany, dia misy anjara anankiray amin'ny folo tapitrisa. Raha olona iray no niteny taminareo fa hisy *zavatra* anankiray hitranga, izany dia ho—izany dia hitranga amin'ny *fotoana* anankiray; dia anankiray amin'ny folo tapitrisa. Ary avy eo ilay *toerana* hitrangany, dia ho eo amin'ny anjara anankiray amin'ny zato tapitrisa eo.

Ary avy eo ilay *fotoana* hitrangany, dia mandeha mitohy sy mitohy, ary ilay *fomba* hitrangany, ary *inona* no hitrangany, sy ny sisa, dia any ankoatry ny fiheverana iray mihitsy izany. Rehefa mahita an'izany tena tanteraka isika, isanisany sy isaky ny *fotoana*, amin'izay *fotoana* izay dia Andriamanitra izany.

Ary avy eo dia miverina avy hatrany ao amin'ny Soratra isika. Mety ho tsy fantatra izany amintsika. Fa miverina avy hatrany ao amin'ny Soratra isika, tsy mahafantatra akory aza hoe aiza no ho jerena, ka ny Fanahy Masina no mamoaka sy mametraka mihitsy ny Teny manontolo miaraka, manao an'ilay sary eo mba haneho amintsika mihitsy an'ilay ora izay iainantsika. Manova fizaram-potoana isika.

<sup>18</sup> Isika dia—eo amin'ny zorony iray isika. Mora ilay izy rehefa manodina zorony ny olona iray, an'ny mpandrafitra biriky, manodina zorony iray. Manomboka, ny olona rehetra dia mametraka an'ireo biriky eo amin'ilay andalana iray ihany mihitsy, tahaka ny anombohan'ny anaram-piagonana anankiray, ary manomboka manaraka an'ilay andalana, mety tsara izany. Fa, rehefa tonga eo amin'ireo fihodinana ireo ianareo, izay tsy maintsy hihodinanareo amin'ilay lâlana hafa!

Ankehitriny, tsy manorina rindrina iray Andriamanitra. Manorina trano iray Izy, hitanareo, ary misy fanapahana sy fihodinana maro izay Nolazainy mialoha ato amin'ny Baiboly. Ary ireo fihodinana, afaka manandrana manao fihodinana iray ny olona rehetra, saingy tsy maintsy arak'ilay drafitra izany. Raha tsy izany ilay izy, dia tsy maintsy ravâna indray.

<sup>19</sup> Noho izany isika—midera an'Andriamanitra nohon'ny Fahatsaram-panahiny isika sy ny fiombonanareo olona, ary ireo varavarana misokatra izay nomen'ny Tompo antsika, ary amin'ny alàlan'ireo mpandrahahara ireto. Nihazona foana aho fa izaho—izaho dia tsy nino ny... Mino ny olona ao amin'ireo anaram-piagonana aho. Saingy tsy manana fotoana betsaka hampaherezana an'ireo anaram-piagonana aho, satria ny tsirairay avy dia manorina fefy manodidina ny tenany.

<sup>20</sup> Ary—ary mitovy fotsiny, mino aho, ilay tantara kelindRahalahy David izany, mikasika ny hoe niompy ganagana vitsivitsy izy, ary nilaza fa niakatra ilay renirano. Ary ny ganagana tsirairay, fantatrareo, nila fiombonana tamin'ny hafa izy ireo, nefo tsy afaka nanao an'izany satria voafefy izy rehetra.

Fa rehefa lasa tena avo ny rano, dia nampitsingevana fotsiny an'ireo ganagana tany ivelan'ilay fefy izany.

Noho izany aho—heveriko fa tahaka an'izany no hanaovana an'ilay izy. Ilay rano fotsiny no miakatra, hitanareo, dia afaka mivoaka any ivelan'ilay fefy isika ka—ka miombona amin'ny hafa, fantatrareo, manana an'ilay tena fitiavan'i Kristy ao am-pontsika.

<sup>21</sup> Ary ity Full Gospel Business Men ity dia efa—efa rano an'efitra iray ho ahy. Satria, matetika... Manana rahalahy aho, rahalahy mahafinaritra ao, heveriko, amin'ny anaram-pianganana tsirairay izay hany nihaonako: Presbyterana, Loterana, Batista, Pentekotista, ireo karazana Pentekotista samihafa rehetra, fiangonan'Andriamanitra, sy Nazareana, Mpivahinin'ny Fahamasinana. Rahalahy mahafinaritra, hatraiza hatraiza. Saingy, matetika, dia tsy afaka manana ahy ao amin'ny fikambanany izy ireo, satria, hitanareo, tsy hoe tsy mino an'izany izy ireo, fa, hitanareo, hanala azy ireo ao amin'ny anaram-pianganany izany. Ary rehefa manao an'izany ianareo, mazava ho azy, izany—izany no manao an'ilay izy.

<sup>22</sup> Teto vao tsy ela akory izay, dia nisy rahalahy Metodista iray nanatona ahy, tsy hiantso ny anarany aho. Lehilahy mahafinaritra iray, nanoratra fehin-kevitra iray mikasika ny fanasitranana avy amin'Andriamanitra izy, ary nanatona ahy izy ho an'ny—ny firesahana iray. Nipetraka izahay ary niresaka vetivety. Hoy izy hoe, “Ny zavatra tokana izay anoheranay anao, ianao dia mifikitra manodidina an'ireo Pentekotista ireo foana.”

Hoy aho hoe, “Noho izany, aoka ny fiangonana Metodista no hanohana an'ilay izy. Ho avy aho.”

Hafa izany. Hitanareo? Izy—hoy izy hoe, “Eny, mazava ho azy, izaho—izaho tsy fiangonana Metodista. Mikambana amin'izy ireo fotsiny aho.”

<sup>23</sup> Hoy aho hoe, “Izay ilay izy. Hitanao? Izy ireo no anankiray, ireo Pentekotista, no anankiray izay manokatra ny varavarany. Hitanao? Izany ireo anankiray izay azoko andehanana. Ary raha mbola misy maro amin'izy ireo no hanokatra, nahoana, dia vonona ny hiditra izahay.”

Tahaka ny ao amin'ny Apokalypsy, ny toko faha-3, nanao hoe, “Mitsangana eo am-baravarana Aho ka mandondôna. Raha misy olona hanokatra ny varavarana, dia hiditra Aho ary hisakafo.” Ary Jesosy izany. Isika rehetra dia mahafantatra fa Kristy izany, ary Izy no Teny. Marina izany. Izy no Teny.

<sup>24</sup> Ary noho izany dia ny Full Gospel Business Men no efa rano an'efitra iray izay azontsika ahatongavana miaraka. Tsy misy fiangonana manohana azy. Izy rehetra, miaraka, ireo—ireo lehilahy avy amin'ireo fiangonana, ary tonga miaraka isika ka miombona, manerana an'izao tontolo izao, manodidina hatraiza hatraiza.

<sup>25</sup> Ary nanampy aho mba hametraka fivoriana maro, maro, maro manerana an'izao tontolo rehetra izao, an'ny Full Gospel Business Men. Mankasitraka aho ny amin'izany fanararaotra izay nomena ahy izany. Ao anatiny ao, dia ireo mpandrahara no hanohana an'izany. Noho izany, ireo fiangonana rehetra, izy ireo—te-ho avy izy ireo, na ahoana na ahoana.

Fa, amin'izay fotoana izay, raha... Tsy tiako mihitsy ny hiezaka hisintona olona iray avy ao amin'ny fiangonan'izy ireo. Mijanòna tsara fotsiny ao amin'ny fiangonanareo ary aparitaho ny Hazavana. Hitanareo? Aoka ho tena Kristiana iray. Hankasitraka anareo ny pasiteranareo. Ny tena masina iray, mahatoky, tena izy, ny olona rehetra izay mino an'Andriamanitra dia hankasitraka olona iray tahaka an'izany. Eny.

<sup>26</sup> Ankehitriny, dia misaotra ny rahalahy eto aho, sy ny vadiny, ary ity fivoriana ity, noho ity fanararaotra ity. Ary enga anie hitombo ity fivoriana ity. Enga anie ireo fitahian'Andriamanitra hitoetra eo aminy, ka ho fitaovana iray eo an-tànan'Andriamanitra, hamonjy olona an-jatony sy an-jatony alohan'ny Fihavian'ny Tompo; ary ny sisa rehetra aminareeo mpivory na solontena eto avy amin'ireo mpivory.

<sup>27</sup> Ao amin'ny Bokin'ny Salamo, ankehitriny, te-hiresaka aho eo amin'ny—ny lohahevitra tena hafahafa iray, izao hariva izao, mandirity ny fotoana fohy fotsiny. Manana Soratra vitsivitsy aho voasoratra eto. Ary—ary nihevitra aho angamba fa, izao hariva izao, dia hiresaka eo amin'ny zavatra hafa iray aho. Saingy, mahita ny fotoana mandeha aho, nahoana, tsy te-hijanona ela tahaka an'izany aho, noho izany dia namadika aho teto ka nahita Soratra vitsivitsy. Ary tiako ny hiresaka eo amin'ny lohahevitra hoe: *Ny Fampakarana*. Hitanareo?

<sup>28</sup> Ankehitriny, dia mino isika fa hisy ny Fampakarana iray. Ireo Kristiana rehetra dia mino an'izany, izany hoe ireo mpamaky Baiboly, dia mino fa hisy Fampakarana iray.

<sup>29</sup> Ary ankehitriny mba hamakiana ho an'ny foto-kevitra iray, dia mamaky ny Salamo faha-25 isika. Ny tiako lazaina... Mamelà ahy. Ny Salamo faha-27, andininy 1 hatramin'ny 5.

*Ny TOMPO no fahazavako sy famonjena ahy; iza no hatahorako? ny TOMPO no fiarovana mafy ho ahy; iza ho hangovitako?*

*Rehefa ny ratsy fanahy, na dia ireo fahavaloko sy rafilahiko aza, no manatona ahy hihinana ny nofoko, dia izy ireo ihany no tafintohina ka lavo.*

*Na dia ny antokony aza no mitoby hiady amiko, dia tsy hatahotra ny foko: na dia misy ady hitsangana hanohitra ahy aza, ao amin'izany aho dia hatoky.*

*Zavatra anankiray ihany no niriako tamin'ny TOMPO, izany no ho tadiaviko; dia ny ahafahako hitoetra ao an-tranon'ny TOMPO amin'ny androm-piaínako rehetra, mba hibanjina ny fahatsaran'ny TOMPO, sy handinika ny tempoliny.*

*Fa amin'ny andro fahoriana dia izy no hanafina ahy ao amin'ny trano fialofana: ary ao amin'ny fieren'ny tabernakeling no hanafenany ahy; hanandratra ahy eo ambonin'ny vatolampy iray izy.*

Enga anie ny Tompo hanamphy ny Fitahiany amin'izany famakiana Ny Teniny izany.

<sup>30</sup> Ankehitriny, androany, eo am-piresahana eo amin'ity lohahevitra ity, ary ankehitriny dia mety ho hafa ny sasany aminareo, ireo—ireo lalam-be izay raisiko. Fa firy ato no mino fa ny Baiboly dia mampianatra antsika fa hisy ny Fampakarana iray an'ilay Fiangonana? [Hoy ny fiangonana hoe, "Amena."—Mpand.] Eny, tompoko. Marina izany, marina tokoa, fakàna an'ilay Fiangonana. Na Metodista ianareo, Batista, Presbyterana, na iza ianareo na iza, Pentekotista, dia hisy fakàna iray.

<sup>31</sup> Ary heveriko fa, eo am-piresahana, izaho—tsy miezaka ny ho tonga eto fotsiny aho mba hilaza zavatra izay heveriko fa hahafaly ny olona. Tsy mbola meloka tamin'izany mihitsy aho. Tiako ny tonga eto ka hilaza zavatra arak'izay ahatsapako ho voatarika hilaza an'ilay izy, izay heveriko fa ho fanampiana iray ho anareo, zavatra izay hamandroso ny fahatsapanareo miaraka amin'Andriamanitra, raha Kristiana iray ianareo; ary raha tsy Kristiana ianareo, dia hanao anareo ho tena menatrala ny tenanareo, ka ho lasa Kristiana iray ianareo. Ary izany no tanjona izay niezahako foana hanitsiana an'ireo fisainako, arak'izay nitarihan'ny Tompo ahy.

<sup>32</sup> Ankehitriny, dia nampitandremana isika, fa ny Fotopampianarana an'Ity amin'ny andro farany dia ho vingavingaina. Raha tianareo, dia ndao isika hamaky an'Izany mihitsy, iray minitra fotsiny. Izany dia ao amin'ny Petera Faharoa, ny toko faha-3. Ndao isika hamaky vetivety eo amin'izany. Ny toko faha-3, ary ny andininy faha-3 sy faha-4. Ndao jerentsika raha tsy marina izany.

*Fantatra izao voalohany, fa amin'ny andro farany dia ho tonga ireo mpamingavinga, mandeha araka ny filàny manokana,*

*Ka manao hoe, Aiza ny teny fikasana ny amin'ny fihaviany?...hatramin'ny nodian'ireo razana mandry, dia mitohy tahaka azy ireo hatramin'ny fiandohan'ny famoronana ny zavatra rehetra.*

*Fa minia tsy mahalala izy ireo fa, fa hatramin'ny ela no nisian'ny lanitra tamin'ny alàlan'ny*

*tenin'Andriamanitra, ary ny tany dia niseho avy tamin'ny rano ary ny ra-...ary tao amin'ny rano:*

*Izay nanaovana ny tany izay...dia, izay safotry ny rano, levona:*

<sup>33</sup> Ankehitriny dia hitantsika fa, ny antony tena anamaivanana an'ity lohahevitra ity, dia satria ilay mpaminany eto no efa nilaza fa amin'izao andro farany izao dia ho tonga ireo mpamingavinga hilaza an'ireo zavatra ireo. Hitanareo? Voalaza mialoha izany, ny antony ihetsehan'ireo olona amin'izao andro izao amin'ny fomba ihetsehan'izy ireo. Nahoana, manantena an'izany tokoa ianareo, satria ny Baiboly no nilaza an'izany. "Amin'ny andro farany izy ireo dia ho kirina, mpieboebo, tia ny fahafinaretana mihoatra noho ny tia an'Andriamanitra; mpanontolo fo, mpanendrikendrika, tsy mahonom-po, tsy tia ny tsara; manana ny endriky ny toe-panahy araka an'Andriamanitra, nefà manda ny heriny: ireny koa dia halaviro." Afaka manantena fakan-tahaka iray an'ny Fahamarinana ve isika? Izany tokoa.

<sup>34</sup> Rehefa nandeha nankany Egypta i Mosesy, mba hanafaka an'ireo zanak'Isirael, niaraka tamin'ny tsora-kazo iray fotsiny teny an-tanany ho fanamarinana, niaraka tamin'ilay Andriamaniry ny Lanitra taoriany, dia nanao fahagagana iray izy. Tonga teo ireo mpaka tahaka taoriany, ary nanao an'ilay zavatra iray ihany izay nataony. Hitanareo? Ankehitriny, tonga faharoa izy ireo, taorian'ny nanaovany azy voalohany. Tamin'izay fotoana izay izy ireo dia tonga, satria nanao dika an'izay nataony izy ireo, naka tahaka an'ilay tany am-boalohany. Hitantsika izany.

Ary ankehitriny dia hoy ianareo hoe, "Eny, tamin'ny andron'i Mosesy izany."

Fa ilay Soratra iray ihany no milaza fa ho tonga indray izy ireo amin'ny andro farany. "Ary tahaka ny nanoheran'i Jambra sy Jana an'i Mosesy, dia toy izany koa no hanoheran'ireo olona maloto saina ny Fahamarinana." Hitanareo? Fakan-tahaka, ireo karazan-javatra rehetra hanakorontana ny olona. Ary amin'izay fotoana izay raha...

<sup>35</sup> Ity Fampakarana izay hiseo ity, ary ny zavatra rehetra izay ananan'Andriamanitra ao amin'ny laharan'Ny Teniny, dia misy zavatra tonga foana hanakorontana an'Izany raha vitan'izy ireo. Izany dia—izany dia—tanjon'i Satana ny manao an'izany.

<sup>36</sup> Tahaka an'ilay rahalahy eto, avy tao amin'ilay favoriana tany Las Vegas, nanao hoe, "Nilaza i Satana fa izao tontolo izao no fanapahany, ary—ary ireo foibenay dia any."

Fantattro fa Satana no andriamanitr'ity izao tontolo izao ity. Ny firenena tsirairay eto ambanin'ny lanitra dia feheziny. Marina tokoa. An'i Satana ity izao tontolo izao ity, saingy Jesosy no haka azy. Natolony Azy izany indray andro. Ary Nolaviny

izany, saingy, hoy Izy... satria Fantany fa Izy no ho Mpandova azy amin'ny fotoana ho avy.

<sup>37</sup> “Mpamingavinga.” Hijanona fotsiny mandritry ny fotoana fohy eo amin’io teny anankiray io isika, alohan’ny andehanantsika lavidavitra. Mpamingavinga!

Namaky gazety iray aho, teo amin’ny roa herinandro lasa teo izay, tany Tucson, izay nisy lehilahy Anglisy iray avy any Angletera nanao fanambarana iray. Tao amin’ny lohatenin’ilay gazety izany, hoe namboamboarina fotsiny ihany ny fanohomboana an’i Jesosy Kristy Tompontsika, teo amin’i Pilato sy Jesosy, hoe tonga Izy mba hanao... hanao ny Tenany ho zavatra iray fotsiny. Ary tsy misy fomba ahafahantsika mandà an’izany amin’izy ireo, satria ireo zavatr’Andriamanitra rehetra dia tsy maintsy raisina amin’ny finoana. Tsy maintsy mino an’izany isika. Ankehitriny, nandroso izy mba hanome famaritana iray hoe ahoana no mety ho nahavita an’izany.

<sup>38</sup> Teto vao tsy ela akory izay, tao amin’io firenena malaza io, Londres, any Angletera, raha ny marina, izay nisy an’io John Wesley sy Charles io, ary maro amin’ireo mpitory teny malaza an’ny andro fahiny, Spurgeon sy izy ireo, nitory ny Filazantsara tao amin’ireo tranom-bilona ary hatraiza hatraiza tany. Nolavin’izy ireo io hafatry ny androny io, dia jereo izay maha-izy azy ireo amin’izao andro izao.

Any no misy an-dRahalahy Williams sy izy ireo izao hariva izao. Izany no anankiray amin’ny firenena nitotongana ambany indrindra eto amin’izao tontolo izao. Efa nandeha nanerana an’izao tontolo izao aho, saingy tsy mahafantatra zavatra iray izay tena tsy ara-dalàna tahaka an’i Angletera. Izany dia.... Billy Graham dia nilaza an’ilay zavatra iray ihany. Nahoana, tsy maintsy nitondra ny vadiny niala tao amin’ireo saha fitsangatsanganana izy, ahoana fa ireo—ireo—ireo fihetsika teo amin’ny lehilahy sy vehivavy dia niseho, ampahibemaso, tao amin’ireo saha fitsangatsanganana. Rehefa tany aho, dia tsy mbola nahita zavatra izay nahavaky fon’olona iray mihitsy noho izay niseho tany Angletera; izay nanana fanararaotra, ka, indray mandeha, dia nitarika an’izao tontolo izao tao amin’ny fanavaozana iray. Maneho fotsiny hoe ahoana fa mety lavo izany.

<sup>39</sup> Fa, hitanareo, ny manao an’izany, dia ny hafatra izay nivoaka tamin’izany, ireo Anglisy dia miezaka mifikitra eo amin’io hafatra iray ihany io amin’izao andro izao. Tsy hety izany amin’izao andro izao. Tsy hety izany. Ahoana no....

<sup>40</sup> Ahoana moa raha tonga i Mosesy, ka, nitondra ny hafatr’i Noa hoe, “Hanorina sambofiara iray isika ka hitsingevana any Neily”? Tsy hety izany. Ary ny Hafatr’i Jesosy koa dia tsy nety mihitsy tamin’i Mosesy. Ary ny hafatr’i Wesley koa dia tsy

hety mihitsy amin'i Luther; na ny an'i Luther Wes- . . . hafatra, mifamadika.

Ary amin'izao andro izao, isika, ny fanavaozana lehibe farany antsika dia ny Pentekosta. Ary amin'izao andro izao isika dia miala amin'izany. Ary ny hafatra Pentekotista dia tsy hifangaro amin'Ity, satria andro hafa iray izany. Izany rehetra izany dia Tenin'Andriamanitra, saingy eo am-panorenana ilay izy. Tahaka ny tongotra, sandry, miakatra, manao Ampakarina iray ho an'ny Fampakarana. Hitanareo? Aza—aza manifikifika an'ireo olona tany aorianana tany ireo; niaina tamin'ny hafany izy ireo. Hivoaka izy rehetra ireo, izay tao amin'ilay Ampakarina.

Tahaka ny aina fotsiny izay nandalo tahom-bary iray. Miala amin'ilay vary izy, ilay hodiny, fa ny vary dia manao ny tenany hitovy amin'ilay voam-bary izay nilatsaka tao anaty tany.

<sup>41</sup> Teto vao tsy ela akory izay, namaky boky iray izay nosoratan'ny Alemandy iray aho, tao amin'ny fitsikerana. Hoy izy hoe, "Avy amin'ny rehetra amin'ireo—ireo fanaticika eto amin'izao tontolo izao, dia William Branham no mihoatra azy rehetra ireo." Hoy izy hoe, "Nahoana, izy dia tsy misy afatasy ny . . . Izy dia—izy dia mpanao majika iray. Manao an'ireo zavatra ireo izy." Hitanareo, ilay lehilahy, tsy mahafantatra.

<sup>42</sup> Ary, avy eo, ilay lehilahy dia mpitsikera iray. Tsy mino an'Andriamanitra akory aza izy. Hoy izy hoe, "Andriamanitra iray izay afaka nipetraka tao amin'ireo taona maizina, mihazona ny Tânany miforitra eo amin'ny Kibony, ary maneso andiana Kristiana iray; izay reny, ary ireo Mpianany Manokana, natao ho; ireo reny miaraka amin'ireo ankizy kely sy ny sisa, nefà namela ny liona hihinana azy ireo; ary tsy nanetsika tànana iray akory mihitsy aza." Hitanareo ve fa ilay fisainana ara-nofo, fa ny fianarana sy ny sisa, dia tsy afaka mahatakatra an'ilay fijery? [Hoy ny fiangonana hoe, "Amena." —Mpand.]

<sup>43</sup> Io voam-bary io dia tsy maintsy milatsaka ao anatin'ny tany. Tahaka an'i Jesosy tsy maintsy nilatsaka mihitsy, mba hitsangana indray, dia toy izany koa no tsy maintsy nilatsahan'ilay fiangonan'ny pentekosta. Tsy maintsy nandeha tao anatin'ny tany izany, ireo taona maizina ireo. Ny vary rehetra izay . . . Ny voa rehetra izay miditra ao anatin'ny tany, dia tsy maintsy mipetraka ao anatin'io fotoana maizina io, mba hamokatra.

Fa nanomboka nitsimoka izy tao amin'i Martin Luther. Nanohy tamin'ny alàlan'i Wesley. Nitohy nankao amin'ny Pentekosta. Ankehitriny dia ao anatin'y, mba hivoaka ao amin'ilay voa. Ary ankehitriny ireo rafitra ara-anaram-piangonana izay tavela tany aorianana, dia taho izy ireo, izay ihany. Tsy maintsy dorana izany, ilay rafitra ara-anaram-piangonana. Fa ilay tena voam-bary izay nivoaka avy tamin'ny tsirairay avy tamin'ireo fanavaozana ireo dia hakarina ao

amin'ny Ampakarina. Izy rehetra miaraka no hanao ny Ampakarina.

<sup>44</sup> Ankehitriny dia hitantsika, any Angletera any, naka tahaka ny fanohomboana izy ireo, vao tsy ela akory izay, andiany iray an'ireo olona ireo, ireo lava...ankizy miaraka amin'ireo volo lava sy ny sisa, ary mihorakoraka, miantso an'i Jesosy hoe "dada-kely" sy io karazan-javatra rehetra io. Faharatsian-toetra tahaka an'izany!

<sup>45</sup> Ankehitriny dia hoy ianareo hoe, "Any Londres izany, Angletera."

Diniho izay tao amin'ilay gazety tamin'ny herinandro lasa, eto Amerika. Dokotera malaza iray momba an'Andriamanitra, avy tao amin'ny sekoly tsara iray, no nilaza fa ny—ny fanohomboana dia namboamboarina. Nilaza fa, "Niezaka nanao ny Tenany ho tahaka an'izany fotsiny Jesosy; hoe nisotro an'io ahitra mandragora io Izy."

Ary mahita an'izany isika ao amin'ny Genesisy, izay niresahana an'izany. Izany dia ahitra iray tahaka ny marijuana na zavatra iray. Any Orient any no ahitana azy. Ary raha misotro azy ianareo, dia hanao anareo hatory izany. Angamba... Ary toy ny hoe maty ianareo, mitrosona, sy ny sisa, mandritry ny roa na telo andro misesy.

<sup>46</sup> Hoy izy hoe, "Rehefa nanome Azy vinaingitra sy afero izy ireo, dia mety ho io ahitra mandragora io mihitsy izany. Ary rehefa nanao izy ireo, nanome Azy an'io, dia lasa nitrosona Izy toy ny hoe maty Izy. Napetrak'izy ireo tao anatin'ilay fasana Izy, ary nampandry Azy tao. Afaka roa na telo andro, azo antoka, niverina, tamin'izay fotoana izay dia nifoha indray Izy, nety tsara." Hoy izy, "Nandeha nankany Inde Izy ary maty tany ho any, fahafatesana tsotra iray, niezaka ny hamoromporona fivavahana iray."

Voalohany, io mpitsikera io, inona ny olana amin'ny olona? Hitanareo, ilay izy dia izao andro izay iainantsika izao, mpamingavinga, hitanareo, ilay andro hahatanteraka ny faminaniana.

<sup>47</sup> Nitsinjara Ny Teniny ho an'ny taona tsirairay Andriamanitra, ary ny tsirairay avy amin'ireo taona ireo dia tsy maintsy maneho an'Izany. Ary nanendry olona mialoha koa Izy ho an'io taona io, mba hanatanteraka an'io Teny io. Isaky ny nitsinjara Ny Teniny Izy, dia nanokana olona iray Izy ho an'izany. Rehefa nitsinjara ny andron'i Mosesy Izy, dia nanokana an'i Mosesy Izy ho an'izany. Rehefa nitsinjara ny fotoana hahaterahan'ilay Zanak'Andriamanitra Izy, dia nanokana Azy Izy ho an'izany. Ny taona tsirairay, dia nanokana ny Olony Izy, nanendry mialoha, araka ny nolazain'ny Baiboly. Tsy misy na inona na inona...

<sup>48</sup> Raha tsi-manam-petra Andriamanitra, Tsitoha, ny hery rehetra, manatrika mandrakariva, faratampon'ny fahaizana, nahoana, dia Fantany hatrany amin'ny voalohany ny zavatra rehetra. Noho izany, dia Fantany. Tsy misy na inona na inona any ivelan'ny toerana. Isika fotsiny no mihevitra an'izany. Mandeha ny zavatra rehetra. Mitodiha ao amin'Ny Teniny ka jereo izay Ataony, amin'izay fotoana izay dia hahazo fahazoana iray isika.

<sup>49</sup> Ankehitriny, eritrereto fotsiny. Voalohany, raha mba nieritreritra io mpitoriteny io, rehefa nametraka an'io vinaingitra sy afero teo amin'ny Vavany io izy ireo, dia Naloany izany. Tsy naka an'izany Izy, voalohany. Hitanareo? Mpamingavinga mipoitra fotsiny! Zavatra iray hafa, ahoana ity Jesosy avy any Nazareta ity, ahoana no nampifanaraka ny Fiainany tamin'ny faminaniana tsirairay an'ny Testamenta Taloha? Ahoana no nampety an'izany? Tsy ho nety izany raha tsy efa voatendrin'Andriamanitra ilay izy. Ny Fiainany dia nifanaraka tamin'ny faminaniana tsirairay an'ny Testamenta Taloha. Zavatra iray hafa, raha namoromporona Azy tahaka an'izany ireo mpianatra, dia nahoana no maty tamin'ny fanaovana maritiora ny tsirairay avy tamin'izy ireo? Ary nilaza mihitsy aza ny apostoly Petera hoe, "Avadiho mitsongoloka ny lohako. Tsy mendrika ny ho faty tahaka Azy aho." Ahoana fa nentin'izy ireo i Andrea ka namadika azy nihorirana teo amin'ny hazo fijaliana. Izy ireo, ny tsirairay avy, dia nanisy tombokase ny fanambarany tamin'ny rany manokana. Nino Azy izy ireo ary tia Azy, ka nanolotra ny ainy ho Azy. Raha mpamoromporona iray Izy, dia ahoana no mba nanaovan'izy ireo an'izany? Hitanareo? Ilay fampiharana ara-panahy, tsy azon'ny olona izany.

<sup>50</sup> Indro ny lehilahy malaza iray teto, vao tsy ela akory izay, raby malaza iray izay nanoratra hoe, "Mosesy, raha nitety ny Ranomasina Mena," hoy izy, "izany dia tsy tena rano. Tsy nivalona mihitsy ireo rano." Hoy izy, "Ilay izy dia, tany amin'ny farany hafa an'ilay Ranomasina Maty, dia nisy andian-jozoro iray. Ary nitety an'ireo zozoron-drano izy, ireo zozoron'ny rano. Tsy nisy rano tany. Andian-jozoro iray fotsiny, ranomasimbe an'ny—an'ny zozoro izay niampitan'izy ireo." Ary mpitondra fivavahana maro no mino an'izany, izy ireo, ary manaiky an'izany.

<sup>51</sup> Teto vao tsy ela akory izay, rehefa niakatra io mpanamory sambon-danitra voalohany io, niverina izy, ary tsy nahita na inona na inona ny amin'Andriamanitra. Nampikorontana an'ireo mpitoriteny mihitsy aza izany. Nihevitra izy ireo fa nipetraka any ambony any ho any Andriamanitra, dimampolo amby zato maily ny haavony.

<sup>52</sup> Nahoana, oadray, toy ny ahoana no namadian'ny fianarana sy ny fahendren'ity izao tontolo izao ity ny fiangonana ho andian'ahi-dratsy! Ny...Ny fianarany sy ny rafi-pampianarany, siansa sy fandrosoana, dia avy amin'ny

devoly. Izany no fandrosoan'ny devoly. Ny Baiboly no niteny an'izany.

Ary ny Fandrosoantsika izay ho avy dia tsy misy idirany amin'ity fandrosoana ity, mihitsy. Tsy misy na inona na inona avy aminy, mihitsy. Hisy Fandrosoana hafa iray, ao anatin'ity fandrosoana sy ity tontolon'ny siansa ananantsika ity. Arakaraky ny habetsahan'ny siansa, siantifika ananantsika, no androsoantsika lavitra kokoa ao amin'ireo zavatry ny fahafatesana, ireo fandrika mba hamono, sy ny sisa. Ao amin'io Fandrosoana vaovao io, dia tsy hisy fahafatesana, tsy hisy aretina, alahelo, na tsy misy fanaintainana. Hitanareo? Tsy hisy anankiray Ao. Noho izany dia tsy maintsy rava ity fandrosoana ity, satria avy amin'ny devoly izy.

<sup>53</sup> Hitantsika, fa ao amin'ny Genesisy 4, fa ny olon'i Kaina no nanomboka ny fandrosoana, nanorina tanàn-dehibe sy tanàna, sy ny sisa, ary ireo fitaovan'ny zava-maneno, ary lasa tao anatin'ny siansa. Ary lasa nanalavitra kokoa an'Andriamanitra ny olona, kanefa mpivavaka. Fa rehefa tonga ny olon'i Seta, dia nanomboka tonga izy ireo, niantso ny Anaran'ny Tompo.

Ah, miresaka ny amin'ny fetsy anankiray!

<sup>54</sup> Tsy eto aho mba handratra ny fihetseham-pon'ny olona, hilaza zavatra mikasika ny fiangonana iray. Ary raha eto ianareo, ka mikambana amin'io fiangonana io, dia tsy milaza an'izao aho mba handratra ny fihetseham-ponareo; satria misy olona tsara maro ao anatin' ao, tahaka ny misy ao anatin'ireo fiangonana hafa. Fa namaky aho tany Shreveport tamin'ny herinandro lasa, izay nanaovan'ny fiangonana Katolika fanambarana iray.

Ary hitantsika izay ahatongavan'izy rehetra ireo miaraka ankehitriny ao amin'ilay fiombonambe ekiomenika lehibe, sy ny sisa, manatanteraka marina tokoa an'izay nolazain'ny Baiboly fa hataon'izy ireo. Marina tokoa.

<sup>55</sup> Ankehitriny dia hitantsika fa hoy izy ireo hoe, "Nahoana, ny Baiboly..." Ny sasany tamin'ireo Protestanta dia te-hifikitra amin'ity Baiboly ity. "Nahoana," hoy izy ireo, "tsy misy afatsy boky iray fotsiny ny Baiboly, tantara iray an'ny fiangonana, ary tsy nanana azy tao amin'ny literatiora izy ireo raha tsy teo amin'ny dimampolo sy roanjato taona lasa teo izay. Efa ny fiangonana foana izany." Hoy izy ireo, "Ny fiangonana izany, fa tsy ny Baiboly, ary ny Baiboly dia tantara iray fotsiny an'izay nataon'ny fiangonana." Lainga fetsy iray toy ny inona izany! Nahoana, efa telo arivo taona izao no nananantsika ny Baiboly. Ny Testamenta Taloha dia efa voasoratra tao amin'ny Soratra, an-jatony sy an-jatony taona talohan'ny fihavian'i Kristy. Zavatra fetsy iray an'ny devoly fotsiny!

<sup>56</sup> Ary hitantsika ao amin'ity andro ity, rehefa io famingavingana sy fanesoana ny Baiboly io, ary miezaka ny

manosika Azy hivoaka, tsy maintsy hitsara ny fiangonana amin'ny alàlan'ny zavatra iray Andriamanitra. Izy tsy afaka fotsiny... .

Tsy afaka handeha eto amin'ity lèlambe ity izy ireo ka hanakana ahy, ary hilaza fa manao telopolo maily isan'ora aho ao amin'ny faritra iray roapolo maily, raha tsy misy zavatra eo mba hiteny amiko fa roapolo maily fotsiny ihany no avela handehanako. Tokony ho eo izany.

Ary hitsara ny fiangonana Andriamanitra, hitsara ny olona, indray andro any. Fantatsika izany. Hisy Fitsarana iray ho avy. Noho izany raha hitsara azy amin'ny alàlan'ny fiangonana Katolika Izy, dia fiangonana Katolika iza? Raha hitsara azy amin'ny alàlan'ny fiangonana Metodista Izy, dia very ny Batista. Raha hitsara azy amin'ny alàlan'ny an'ny Tokana Izy, dia very ny an'ny Roa. Hitanareo? Hitsara azy amin'ny alàlan'ny inona Izy? Nilaza Izy fa hitsara azy amin'ny alàlan'i Kristy Izy, ary Kristy dia ny Teny. Koa ny Tenin'Andriamanitra, no hitsaran'Andriamanitra. "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika. Ilay tsy miova omaly, anio, ary mandrakizay." Hitanareo? Noho izany, dia hitsara azy amin'ny alàlan'Ny Teniny Izy.

<sup>57</sup> Ary hitantsika izany ao amin'izao andro izao, izay ezahan'izy ireo manosika ny Baiboly any ivelany ("Manaiky ny fiangonana!" Ny Baiboly: tsy ilainy Izany. "Ny fiangonana!") mba ahafahan'izy ireo manao karazana fanelek-pinoana rehetra na zavatra hafa, ary mandeha amin'ny alàlan'izany.

<sup>58</sup> Eny, araka ny noresahako indray hariva tany Shreveport. Tao amin'ny—ny fandraisana, rehefa namono an'io zanak'ondry fanatitra io izy ireo, dia tsy maintsy ho "tsy nisy masirasira teo anivon'izy ireo, mandritry ny fito andro manontolo," tsy nisy masirasira, tsy nisy mofo masirasira. Ny zavatra rehetra dia tokony tsy hisy masirasira. Naneho an'ireo taona fiton'ny fiangonana izany izay resahantsika ao anatin'ny boky eto, ary tsy misy masirasira. Inona? Izany dia zavatra iray nafangaro tamin'Izany. Ary isika dia manafangaro ny fanelek-pinoana sy ny anaram-piangonana, ny zavatra hafa rehetra, amin'ny Teny, nefy mbola miezaka miantso an'izany foana ho ny Teny. "Tsy hisy masirasira, mandritry ny fito andro manontolo."

<sup>59</sup> Ary na dia izay hanina androany aza, dia aza miezaka hitahiry an'izany ho an'ny ampitso. "Dory amin'ny afo izany, alohan'ny ahatongavan'ny misandratr'andro," satria misy Hafatra vaovao iray ho tonga, sy zavatra vaovao iray. Hitanareo, miezaka ny mitahiry azy, fa efa izany no toetran'ilay fiangonana. Mivoaka ny fifohazana iray, ary ny zavatra voalohany fantatrareo, ao anatin'ny telo taona eo, dia manomboka rafi-

pandaminana iray eo amin'izany izy ireo. Manomboka ny anaram-piangonana iray, rafi-pandaminana.

Fa efa voamarikareo ve? Ity dia efa nandeha nandrity ny roapolo taona ankehitriny, nefo tsy nisy rafi-pandaminana. Ary tsy hisy intsony. Ity no farany. Efa niverina ho vary indray ilay vary. Niverina nankao amin'ny voany ilay vary. Niendaka niala taminy ilay akofa. Ary ny vary dia tsy maintsy mipetraka ao amin'ny Fanatrehan'ny Zanaka, mba ho masaka.

<sup>60</sup> Tsy zavatra hafahafa ve no misy, izay, vao tsy ela akory izay, tany amin'ny Morontsiraka Atsinanana, ilay fahamaizinana goavana? Tsy nety azon'izy ireo izany. Maizina i Texas, tamin'ny herinandro lasa. Tsy mety azon'izy ireo izany. Tsy fantatrareo ve fa famantarana iray izany? Tsy fantatrareo ve fa rava ireo firenena? Ao amin'ny tanindrazany Isiraely. Ary ireo famantarana ireo dia manondro fa eo amin'ny farany isika. Tamin'ilay fotoana iray ihany izay nahamaizina, tsy fantatrareo ve fa izany dia famantarana iray izay nolazain'ilay mpaminany? Hia. "Fa hisy Mazava amin'ny andro hariva," fa hisy Mazava iray hiseho amin'ny andro hariva, rehefa mandeha tahaka ny andehanany ankehitriny ireo fahamaizinana sy ny sisa.

<sup>61</sup> Jereo fotsiny hoe ahoana no nahamaizina azy. Vao tonga teto ilay papa.

Tsarovy, tany amin'ny tabernakla, rehefa ireo... Manana an'ireo horonam-peo ianareo. Heveriko, fa maka azy ireny ianareo rehetra. Toy ny ahoana no nanehoan'ny Tompo an'io andro io tany, tao amin'ny tabernakla, hoe aiza marina no hisy an'ireo taom-piagonana ireo ary ho toy ny ahoana izy ireo! Nanao sary azy ireo teo amin'ny solairabe aho tany, ireo taom-piagonana izay hitanareo natao sary ao anatin'ny boky iray. Ary raha tsy nidina tao anatin'ny Andry Afo goavana iray ny Fanahy Masina, ka nandeha avy hatrany teo amin'io rindrina io tany ka nanao sary azy ireo, Izay tenany, izay nisy olona telo na efajato nipetraka, njery an'Izany!

Ary vantany vao nanomboka teto ilay papa, dia maizina ny volana na manao ahoana na manao ahoana. Ary naka an'ireo sary izy ireo tahaka ny nanaovana sary azy mihitsy tany teo amin'ny lampihazo. Ankehitriny dia manao ny diany eto izy tamin'ny fahatelo ambin'ny folo, nandeha zana-tohatra telo ambin'ny folo, nizara kominio tamin'ny telo ambin'ny folo, tamin'ny firenena iray izay telo ambin'ny folo ny isany, ary tonga hatraiza hatraiza ireo fahamaizinana. Tsy hitanareo ve hoe aiza no misy antsika? Eo amin'ny andro farany isika izao.

<sup>62</sup> "Hitsangana ireo mpamingavinga amin'ny andro farany, hanao hoe, 'Tsy misy fahasamihafana eo amin'ny fotoana izay nisy, sy ny fotoana izay nodian'ireo razantsika mandry.'"

Fa rehefa mahita an'ireo zavatra ireo manomboka mitranga ianareo, dia atrakao ny lohanareo, miomàna. Misy zavatra mety

hitranga amin'ny fotoana rehetra, tonga ho an'Ny Fiangonany Kristy.

<sup>63</sup> Ankehitriny, tsy mino an'izany izy ireo, satria izany dia ny...izany dia ny...Izy ireo, izy ireo dia nohe-... Tsy fantatr'izy ireo fa izy ireo mihitsy no anankiray izay manatanteraka ny Soratra. Tsy mahafantatra marina tokoa ireo olona fa, eo am-panaovana an'ireo zavatra ireo sy eo am-pilazana an'ireo zavatra ireo, dia manatanteraka ny Soratra izy ireo.

Kely toy ny ahoana no nataon'i Kaiafa, ilay mpisoronabe, sy ireo mpisorona rehetra ireo tamin'izany andro izany, izay namingavinga sy naneso Azy, tsy nahafantatra an'izany, ilay Andriamanitra mihitsy izay nohirain'izy ireo hoe, "Ry Andriamanitra, nahoana Ianao no nahaftoy Ahy?" Ny Salamo faha-22, "Notsindronin'izy ireo ny Tanako sy ny Tongotro." Nihira an'izany tao an-tempoly, nefo Izy io teo am-pahafatesana teo amin'ny hazo fijaliana io. Kely no nahafantaran'izy ireo hoe izy ireo no nanao an'izany. Nivavaka mihitsy aza Jesosy hoe, "Ray, mamele azy ireo. Tsy fantatr'izy ireo izay ataony." Satria, voalaza mialoha tokoa izy ireo, tamin'ny alalan'ny Soratra, fa ho jamba.

<sup>64</sup> Efa fantatrareo ve fa ny fiangonana Protestanta sy Katolika dia voalaza mialoha, amin'ny andro farany, fa ho jamba, ilay zavatra iray ihany, araka ny Soratra, ny amin'i Kristy any ivelany, miezaka ny hiditra? "Satria hoy ianao hoe, 'Manankarena aho, ary tsy mila na inona na inona,' tsy fantatralo fa ianao dia mahatrantra, malahelo, ory, mitanjaka, ary jamba, nefo tsy fantatralo izany," Apokalypy 3. Eo ianareo izao, miverina amin'ny fahajambana indray, manitsakitsaka an'ireo zavatr'Andriamanitra, toy ny hoe (izy ireo) tsy midika na inona na inona amin'izy ireo Izany, mamingavinga sy maneso an'Izany. Izany no nolazain'ny Baiboly.

<sup>65</sup> Fa, ho an'ilay Fiangonana, ilay Ampakarina, ny Fampakarana dia fanambarana iray ho Azy. Izany dia voambara Taminy. Fa, ny fanambarana, ilay Ampakarin'i Kristy marina dia hiandry an'io fanambaran'ny Fampakarana io.

<sup>66</sup> Ankehitriny, dia fanambarana iray izany, satria ny fanambarana dia ny finoana. Tsy afaka mahazo fanambarana iray ianareo raha tsy finoana izany. Ny finoana dia fanambarana iray, satria izany dia zavatra iray izay voambara taminareo. Ny finoana dia fanambarana iray. Ny finoana dia zavatra iray izay efa voambara taminareo, tahaka azy tamin'i Abrahama, izay niantso ny zavatra rehetra nifano hitra tamin'izay efa voambara taminy, ho toy ny tsy nisy. Ankehitriny, ny finoana, izany no finoana, dia ny fanambaran'Andriamanitra. Ilay Fiangonana dia miorina eo ambonin'ny fanambarana iray, ilay Vatana iray manontolo.

<sup>67</sup> Teto herinandro vitsy lasa izay, dia niresaka tamin'ny mpitoriteny Batista mahafinaritra iray aho. Tonga izy mba hiady hevitra tamiko. Hoy izy hoe, "Tiako ianao amin'ny maha-ihilahy iray, saingy," hoy izy, "mikorontana tanteraka ianao."

Hoy aho hoe, "Noho izany, dia mivavaka aho mba hanampianao ahy ho voahitsy," (hoy izy . . .) "araka ny Teny."

Hoy izy hoe, "Tsy ho afaka mihitsy isika, Rahalahy Branham, ny hanao ny zavatra rehetra hiaraka raha tsy mampitaha ny Teny tsirairay amin'ny Teny, amin'ny Teny, amin'ny Grika marina tokoa, sy ny sisa."

<sup>68</sup> Hoy aho hoe, "Oh, tompoko, mahafantatra tsaratsara kokoa noho izany ianao." Hoy aho hoe, "Na dia tao amin'ny Fivoriamben'i Nise aza, raha miverina hatrany amin'izany, telonjato taona taorian'ny fahafatesan'i Kristy, dia mbola niady hevitra foana izy ireo hoe Grika mahay iza no marina. Afaka mahafantatra ianao. Izany dia fanambarana iray, ilay zavatra manontolo. Izany dia fa- . . ."

Hoy izy hoe, "Tsy afaka manaiky fanambarana aho."

Hoy aho hoe, "Noho izany dia ahoana no ahafahanao hanaiky an'i Kristy?"

Hoy izy hoe, "Nahoana, hoy ny Baiboly hoe, 'Izay mino no . . . an'i Jesosy Kristy, no manana Fiainana mandrakizay.'"

<sup>69</sup> Hoy aho hoe, "Marina izany. Voalaza koa fa tsy misy olona afaka hiantso an'i Jesosy ho Kristy raha tsy amin'ny alàlan'ny fanambaran'ny Fanahy Masina irery ihany izay nanambara an'izany taminy." Hitanareo? Eo ianareo izao, miverina eo indray, miverina indray eo amin'ny fanambarana. Tsy maintsy voambara izany, ao amin'ny Baiboly.

<sup>70</sup> Tsy nanana Baiboly iray ho vakiana i Kaina sy Abela, saingy voambara tamin'i Abela ilay izy, tamin'ny finoana, izay fanambarana iray. Abela dia nanolotra ho an'Andriamanitra fanatitra iray tsara kokoa noho ny avy amin'i Kaina. Ary, nanambara Andriamanitra fa marina izy.

Rehefa nanontaniana Jesosy eto, Matio 16:17 sy 18. Tsy manana fotoana hamakiana an'izany isika, fa raha tianareo ny handray naoty an'izany. Hoy Izy hoe, "Ataon'ny olona ho Iza moa Aho ilay Zanak'olona?"

"Ny iray tamin'izy ireo dia nilaza fa Ianao no 'Mosesy, Elias, na ny sisa.'"

Hoy Izy hoe, "Fa ataonareo ho Iza kosa Aho?"

<sup>71</sup> Hoy izy hoe, "Ianao no Kristy, ilay Zanak'Andriamanitra velona."

<sup>72</sup> Hoy Izy hoe, "Sambatra ianao, ry Simona, zanak'i Jonasy, fa tsy ny nofo aman-drà no nanambara an'izany taminao. Ny Raiko izay any An-danitra no nanambara an'izany taminao.

Eo ambonin'ity vatolampy ity," ny fanambarana ara-panahy ny amin'ny hoe Iza Andriamanitra, Iza Jesosy. Ary Izzy no fanambaran'Andriamanitra, Andriamanitra tonga nofo ary voambara tamin'izao tontolo izao.

"Teto amin'izao tontolo izao Izzy. Tao amin'i Kristy Andriamanitra, nampihavana an'izao tontolo izao tamin'ny Tenany, manambara hoe inona Andriamanitra, tao amin'ny vatan'ny nofo iray."

"Ianao no Kristy, ilay Anankiray voahosotra, ilay Zanak'Andriamanitra."

<sup>73</sup> Hoy Izzy hoe, "Tsy ny nofo aman-drà mihitsy no nanambara an'izany taminao, fa Ny Raiko izay any An-danitra no nanambara an'izany taminao. Eo ambonin'ity vatolampy ity no Hanorenako Ny Fiagonako, ny fanambaran'ny Teny amin'ny Vanim-potoany. Hanorina Ny Fiagonako Aho, ka ny vavahadin'ny helo tsy haharesy Azy."

<sup>74</sup> Ny Bokin'ny Apokalypsy no Boky farany an'ny Baiboly. Voaisy tombokase Izzy ho an'ireo tsi-mpino. Ao anatiny ao, dia milaza ny Baiboly, ao amin'ny toko faha-22 hoe, "Na iza na iza hanaisotra Teny anankiray amin'Izany, na hanampy teny anankiray amin'Izany, dia Hesoriko amin'ny Bokin'ny Fiainana ny anjarany." Fantatsika fa, arak'izany, izany dia nomena manontolo ho an'ireo mpino. Ary Izany no manokatra ny Bokin'ny Apokalypsy sy manambara hoe Iza no Mpanoratra an'io Boky manontolo io. "Tsy maintsy heverina ho Alfa sy Omega Izzy," manomboka amin'ny Genesisy hatrany amin'ny Apokalypsy, Jesosy Kristy ilay tsy miova fotsiny, hatrany amin'ny farany mihitsy. Ary manambara ny Zava-miafiny feno ny amin'ny Tenany, sy ireo Drafiny ho an'ireo Taom-piagonany izay ho avy, ary voaisy tombokase ao tamin'ny alàlan'ireo Tombokase Fito.

<sup>75</sup> Ankehitriny, ilay Boky dia nosoratana, saingy avy eo, tsarovy, Izany dia voaisy tombokase tamin'ireo Tombokase Fito. Ary tsy tokony ho voasokatra ireo Tombokase Fito ireo (Apokalypsy 10) raha tsy amin'ny fitsofan'ilay anjelin'ny tany farany eto an-tany, Apokalypsy 10:7. Hitanareo? "Ary amin'ny andro hitsofan'ny Hafatr'ilay anjely farany, anjely fahafito, dia hifarana amin'io taona io ny zava-miafin'Andriamanitra." Izany, ary izany ilay taona izay iainantsika.

<sup>76</sup> Isika rehetra dia mahafantatra fa miaina ao amin'ny Taonan'i Laodikia isika. Tsy hisy taona iray hafa intsony ho an'izany. Tsy mety hisy izany. Noho izany, dia miaina ao amin'ny Taonan'i Laodikia isika. Ary ireo Tombokase Fito ireo izay nihazona an'io Boky io, dia zava-miafina iray amin'ny olona, tokony ho voasokatra amin'io andro io. Izany no Nampanantenainy. Ankehitriny, tsy hisy na inona na inona ankoatry ny Teny, satria tsy afaka manampy amin'ny Teny

ianareo na hanaisotra avy amin'ny Teny. Tsy maintsy mijanona ho ny Teny foana izany. Fa ny fanambarana dia ny hanambara ny Fahamarinan'Izany, inona ilay Izzy, mba hanao Azy hifanaraka amin'ny sisa amin'ny Soratra. Ary amin'izay fotoana izay Andriamanitra no manamarina an'izany ho ny Fahamarinana. Hitanareo?

<sup>77</sup> Tsy mila mpandika teny Andriamanitra. Izzy no Mpandika teniny Manokana. Izzy no manao ny Fandikan-teniny Manokana amin'ny alàlan'ny fanatanterahana an'ireo zavatra izay Nolazainy fa hitranga. Ohatra, tamin'ny voalohany, dia hoy Izzy hoe, "Aoka hisy mazava," dia nisy mazava. Tsy mila fandikana iray izany. Efa voamarina izany.

<sup>78</sup> Ankehitriny, nampanantena zavatra maro Izzy ao amin'ity andro farany ity, ao amin'ny Soratra. Nahoana, teo izany.

Tahaka an'izany no naha-Zanak'Andriamanitra an'i Jesosy. Izzy no nampanantena handefa Azy. Rehefa tao amin'ny Androny Izzy teto an-tany teto, ka tsy afaka nino Azy ny olona, dia hoy Izzy hoe, "Zahao ny Soratra, fa ao amin'Izzy ireo no neverinareo fa anananareo Fiainana Mandrakizay, ary Izzy ireo no Hany manambara Ahy. Raha tsy manao an'ireo asan'Ny Raiko Aho, amin'izay fotoana izay dia aza mino Ahy. Fa raha tsy mety mino Ahy ianareo, dia minoa an'ireo asa izay Ataoko, satria izy ireo no manambara hoe Iza Aho."

<sup>79</sup> Eny, noho izany, tamin'ny taonan'i Wesley, dia ireo asa izay nataony no nanambara hoe iza izy.

Tamin'ny taonan'i Luther, teo amin'ny fanavaozana, nahoana, azo antoka, izany no nanambara hoe iza izy.

<sup>80</sup> Tamin'ny andron'ireo Pentekotista, ilay famerenana an'ireo fanomezam-pahasoavana, ny famerenana an'ireo fanomezam-pahasoavana, fitenenana amin'ny fiteny tsy fantatra sy fandroahana devoly, ary ireo fanomezam-pahasoavana, nahoana, izany no nanambara. Tsy nisy kivazivazy mihitsy ny amin'izany. Nilaza ny olona, rehefa niseho voalohany izany... Namaky an'ireo boky mikasika ny tantaran'ny Pentekosta aho. Hoy izy ireo hoe, "Tsy afaka haharitra ela izany. Ho levona izany." Mbola mirehitra foana izany. Nahoana? Satria tsy afaka hamono an'izany mihitsy ianareo. Andriamanitra no nilaza fa ho eo izany. Izany dia io ampanhan'ny Teny io, ka tsy afaka hamono an'izany intsony ianareo.

Ary noho izany rehefa nantsoina hivoaka ny Ampakarina, dia ahoana no hamonoanareo an'izany? Izany no fanambarana ny fanehoana ny Teny natao ho marina. Ary miaina ao amin'io andro io isika; ho an'Andriamanitra ny dera; ny fanambarana ny zava-miafina ny amin'ny Tenany.

<sup>81</sup> Ankehitriny, ny Fampakarana fotsiny dia... Ity Fampakarana izay resahantsika ity, dia ho an'ny Ampakarina irery ihany. Tsarovy, hoy ny Baiboly hoe, "Ary ny sisa amin'ny

maty dia tsy velona nandrity ny arivo taona.” Io Fampakarana lehibe io! Raha tsy misy ny Fampakarana iray, ry sakaiza, dia aiza no misy antsika? Inona no hataontsika? Taona inona no iainantsika? Teny fikasana inona no ananantsika? Hisy ny Fampakarana iray. Ny Baiboly no milaza fa hisy. Ary ho an’ilay Voafidy irery ihany izany, ilay Ramatoa Voafidy, ilay Ampakarina ao amin’ity andro ity, izay nivoaka, ilay Fiangonana.

<sup>82</sup> Ny ten-...tena teny hoe, *fiangonana*, dia midika hoe “nantsoina hivoaka avy tao.” Tahaka ny niantsoan’i Mosesy firenena iray hivoaka avy tao amin’ny firenena iray, no iantsoan’ny Fanahy Masina Ampakarina iray hivoaka avy ao amin’ny fiangonana iray; Fiangonana iray avy ao amin’ny fiangonana iray; ireo mambra, avy amin’ny anaram-piangonana rehetra, izay manao Ampakarina iray, hazo Ampakarina. Izany dia ao amin’ny—ao amin’ny horonam-peo, *Ilay Hazo Ampakarina*. Mivoaka ny Ampakarina iray, antsoina, ary izany ilay anankiray izay...ilay hazo Ampakarina no ilay, ilay Ampakarina, raha ny marina, no ilay anankiray izay handeha ao amin’ny Fampakarana; izany, irery ihany, tsy misy afatsy ilay Ampakarina, ireo voafidy izay fantatr’Andriamanitra mialoha hatrany amin’ny fiandohana, ireo tsimok’aina arapanahy an’ny Ray.

Mamelà ahy hijanona eto iray minitra. Ary mitohy lasa mikorontan-tsaina aho, eo am-piheverana fa hihazona anareo, hihazona anareo ela loatra.

<sup>83</sup> Fa, mariho, jereo, ny tsirairay avy aminareo olona. Fantatrareo ve, fa taona maro talohan’ny nahaterahanareo, dia efa tao amin’ny rainareo ianareo amin’ny maha-tsirin’aina iray? [Hoy ny fiangonana hoe, “Amena.”—Mpand.] Marina izany. Tsirin’aina iray, voa iray, no tao amin’ny rainareo; nivoaka avy tao amin’ilay fananahana lahy, fa tsy ilay vavy. Hitanareo? Ny vavy no manome an’ilay atody, tany famafazana iray. Fa ilay tsirin’aina dia avy amin’ilay ra-... Ankehitriny, atao hoe, tao amin’ny raiko...

<sup>84</sup> Na, ny zanakolahy mipetraka eto, fony aho enina ambin’ny folo taona, dia tao amiko ny zanakolahy. Tsy nahafantatra azy aho, fa tao izy. Ankehitriny, tamin’ny alàlan’ny tany famafazana iray, tamin’ny alàlan’ny voadim-panambadiana, dia lasa araka ny endriko izy. Fantatro izy. Afaka miombona aminy aho. Ary tonga fotosiny tamin’ny fotoana izy rehefa tonga ilay fotoana marina.

<sup>85</sup> Ankehitriny, toy izany koa no efa naha-tao anareo, raha manana Fiainana Mandrakizay ianareo, ianareo dia efa ny...tao amin’Andriamanitra talohan’ny hany nisian’ny tontolo iray. Ampahany iray ianareo, zanak’Andriamanitra iray, toetran’Andriamanitra iray. Fantany ilay tena taona

hahatongavanareo. Izy no nifidy mialoha anareo ho amin'io taona io, mba handray an'io toerana io, ary tsy misy olon-kafa afaka maka an'izany; tsy ahoako na firy ireo fakan-tahaka sy ny sisa. Tsy maintsy ho eo ianareo, satria Fantany fa ho eo ianareo. Ankehitriny dia tonga voaseho ianareo. Ankehitriny dia afaka miombona Aminy ianareo, ary izany no Tiany. Naniry mafy ny fiombonana Izzy, mba ho tomponia. Fa raha ny fiainanareo no tsy...efa toetra iray an'Andriamanitra foana, dia mpaka tahaka iray an'ny Kristianisma fotsiny ianareo. Hitanareo? Hisy an-tapitrisany sy an-davitrisany amin'izy ireo, ho mpaka tahaka ny Kristianisma fotsiny izy ireo.

<sup>86</sup> Fanamarihana iray izay nataoko vao tsy ela mihitsy. Nandinika an-dRahalahy Demos Shakarian aho tany, rehefa nanao fampanarahana biby fiompy izy ireo, nandinika an'ireo fantsona fanandramana, sy ny sisa, nalaina avy tamin'ireo dokotera, ary nandinika an'ireo zavatra ireo.

<sup>87</sup> Tao amin'ilay famoahana ara-bakiteny an'ilay lahy, dia misy eo amin'ny tsirin'aina iray tapitrisa eo no mivoaka avy amin'ilay lahy isan'andro. Ary eo amin'ny atody iray tapitrisa eo no tonga avy amin'ilay vavy amin'ny—amin'ilay fotoana iray ihany. Saingy efa fantatrareo ve, amin'ireo tsirin'aina kely rehetra mandehandeha eo ireo, iray tapitrisa amin'izy ireo, dia anankiray amin'izy ireo fotsiny ihany no voalahatra ho amin'ny fiainana, ary atody anankiray fotsiny ihany no lonaka? Ary handadilady avy hatrany manerana ny tsirairay avy amin'ireo tsirin'aina kely hafa ireo io tsirin'aina kely io, ho eo an-tampon'ny tsirin'aina kely tsirairay mitovy aminy mihitsy, ary ho tonga eo an-tampon'itsy sy tonga *eto*, ary hahita an'io atody lonaka io ka handady hiditra ao aminy. Ary avy eo dia maty ny sisa rehetra amin'izy ireo. Nahoana, miresaka ny amin'ny fahaterahana ara-virijiny, oh, tsy antsasaky ny mahagaga amin'ny fahaterahana ara-batana izany, ahoana fa voalahatra mialoha izany, voafidin'Andriamanitra mialoha!

<sup>88</sup> Ankehitriny, tany amin'ny fiandohana, tany aoriana tany, taona maro lasa talohan'ny niandohan'ny fotoana iray, ianareo, raha Kristiana iray nateraka indray ianareo, izao hariva izao, dia efa tao amin'Andriamanitra ianareo tamin'izany, ny Rainareo. Izany no antony, rehefa tonga ao amin'ity fiainana eto ity ianareo ka manambara ny Kristianisma, eny, ka ny zavatra rehetra lasa ratsy, dia nanontany ianareo hoe ahoana *ity*, ary *ity* rehetra *ity*. Izany, nanontany ny amin'izany ianareo. Fa, indray andro, dia nisy Zavatra namely anareo. Inona Izany? Io Fiainana izay tao anatin'y tao io, hatrany amin'ny fiandohana. Ary raha izany...

<sup>89</sup> Tahaka an'ilay tantara keliko mikasika an'ilay voromahery, nitady azy, nitady an'ilay voromahery ny reniny. Efa nandre ahy nitory teo amin'izany ianareo, ahoana fa foy tao ambanin'ny reniakoho iray io voromahery kely io. Fa izy, ireo fahazarany miezaka mamahana an'ireo—ireo akohokely, tsy

afaka mahalevona an'izany ilay voromahery kely, satria tsy akohokely iray izy, eo am-panombohana. Kanefa, tao amin'ilay fefy niaraka tamin'ireo akohokely izy, ary nanaraka an'ireo akohokely. Fa nihava tao amin'ilay tranom-biby izy sy ny sisa, ary tsy afaka nahatanty an'izany ilay voromahery kely. Fa isaky ny nikohokoho sy ny sisa izy, dia mandeha ireo akohokely rehetra, ka nandeha toy izany koa izy. Fa indray andro . . .

<sup>90</sup> Ny reniny dia nahafantatra fa nametraka atody anankiroa izy, fa tsy anankiray. Tokony ho nisy anankiray hafa, tany ho any. Nandeha nitady azy izy, nanidina nanerana, nihodinkodina. Farany dia tonga teo ambonin'ilay tranom-biby izy, ary hitamy ny zazakeliny, ka niantsoantso azy izy. Izany dia feo iray, izay, fantany fa izany ilay zavatra izay mifanaraka. Izany no notadiaviny, hitanareo, ary fantany tamin'izay fotoana izay fa tsy akohokely izy. Voromahery iray izy.

Ary tahaka an'izany, ny Kristiana tsirairay nateraka indray, rehefa tonga ianareo. Tsy ahoako na anaram-piangonana firy no nikambananareo, anarana firy, nametraka ny anaranareo teo amin'ireo boky sy ny sisa ianareo, rehefa voamarina io tena Tenin'Andriamanitra io ary natao marina teo anatrehanareo tahaka an'izany, dia fantatrareo fa voromahery iray ianareo, eo no ho eo. Satria, io fikohokoho rehetra an'ilay reniakoho io hoe, "Ianao mikambàna amin'ity ary mikambàna amin'ity, ary mandehana amin'ity lâlana ity sy itsy lâlana itsy," fahadalana izany. Ilay izy dia fanampiana tena izy, Teny amin'ny Teny.

<sup>91</sup> Rehefa ny tsirin'aina iray no miditra ao amin'ny kibon'ny—an'ilay vavy, dia tsy mandray izany . . . Ianareo, tsy lasa tsirin'aina olombelona iray avy amin'ny rainareo ianareo, ary avy eo ny zavatra manaraka dia lasa tsirin'aina iray avy amin'ny alika ianareo, ary ny zavatra manaraka dia avy amin'ny saka, ny zavatra manaraka dia avy amin'ny akohokely iray. Ilay izy dia tsirin'ain'olombelona daholo.

Ary ny Vatan'i Jesosy Kristy, ny Ampakarina, dia ho amphanan'Ny Vatany. Izay ho . . . Izay no Teny, ary ny Ampakarina dia tsy maintsy ho ny Teny; Teny nampiana amin'ny Teny, ampiana amin'ny Teny. Fanamarinan'i Luther, fanamasinan'i Wesley, batisan'ny Fanahy Masina an'ny Pentekotista, famerenana an'ireo fanomezam-pahasoavana, ary ny sisa rehetra amin'Izany, no mandeha miaraka amin'Izany. Hitanareo? Izany dia tsy maintsy Teny eo an-tampon'ny Teny, tsirin'aina eo an-tampon'ny tsirin'aina, Aina eo an-tampon'ny Aina, mba hamokatra an'ilay tsanganana feno an'ny Ampakarin'i Jesosy Kristy Tompo. Ankehitriny, tsarovy, ianareo dia toetra iray.

<sup>92</sup> Ary ankehitriny, ilay zavatra amin'ilay izy dia, rehefa avy mahita an'ireo zavatra ireo isika, hoe Kristy dia ho avy ho an'Ny Ampakariny, ankehitriny dia ahoana no hidirantsika ao amin'io Ampakarina io? Izany ilay fanontaniana.

Maro no manao hoe, “Mikambàna amin’ny fiangonanay.” Ny anankiray amin’izy ireo mila karazana batisa anankiray. Ny anankiray te-hanao an’ity na *itsy*. Ny anankiray nanao hoe, “Tsy maintsy miteny amin’ny fiteny tsy fantatra ianao, raha tsy izany dia tsy manana Azy.” Ilay anankiray hafa nanao hoe, “Tsy mila miteny amin’ny fiteny tsy fantatra ianao.” *Ity* anankiray ity manao hoe, “Tsy maintsy mandihy ao amin’ny fanahy ianao.” *Ity* anankiray ity manao hoe, “Tsy maintsy mihiakiaka ianao.” *Ity*, “Manana fahatsapana iray.” Mety tsara daholo izany rehetra izany, nefá avy eo, dia mbola, diso daholo izany.

Ahoana no ahafahan’ny lehilahy iray izay...na vehivavy iray, na zanak’Andriamanitra iray, izay nateraky ny Fanahin’Andriamanitra, handà ny Tenin’Andriamanitra? Nefa, Andriamanitra Izy tenany no mandika Azy ka manao hoe, “Ity no Izy. Izaho no nampanantena an’Izany. Ity Izany,” maneho Azy mazava arak’izay Vitany. Nahoana, voatery hahita an’Izany izy ireo. Hitanareo? Ahoana no ahafahan’i Kristy handà Ny Teniny Manokana? Ary raha ao anatinareo Kristy, dia tsy afaka mandà Ny Teniny Manokana Izy.

<sup>93</sup> Noho izany dia ahoana no idirantsika ao amin’io Vatana io? Korintiana Voalohany 12, “Tamin’ny Fanahy iray no nanaovana batisa antsika rehetra tao amin’io Vatana io, tamin’ny batisan’ny Fanahy Masina iray.” Izany, raha tianareo ny handray naoty an’izany, izany dia ny Korintiana Voalohany 12:13. “Ary tamin’ny Fanahy iray no nanaovana batisa antsika rehetra.” Ary ny Fanahy no Ain’i Kristy. Marina ve izany? [Hoy ny fiangonana hoe, “Amena.”—Mpand.] Ny Ain’i Kristy! Ary ny ain’ny voa rehetra...Fa, Izy no Voa Teny, mitondra ny Voa ho amin’ny Fiainana. Azonareo ve ilay izy? Raha io—raha io Aina io no mipetraka ao amin’ilay Voa, ary io batisan’ny Fanahy Masina io no tonga eo ambonin’Izany, dia voatery hitondra an’io Ain’ny Voa io izany.

<sup>94</sup> Tahaka ny noteneniko taminareo, teto Phoenix, vao tsy ela akory izay. Niresaka tamin-dRahalahy John Sharrit aho. Tany aho, ary naneho hazo iray tamiko izy, hazo voasary iray. Izy-namboly voam-boasary betsaka izy. Ary naneho hazo anankiray tamiko izy, nanana karazana voankazo valo na sivy samihafa izy teo aminy. Dia hoy aho hoe, “Rahalahy Sharrit, karazana hazo inona io?”

Hoy izy, “Hazo voasary iray.”

Hoy aho hoe, “Ahoana ilay voasary makirana, sy ilay mandarina, sy voasary ala, ary pamplemosy?”

Hoy izy hoe, “Voam-boasary daholo izany. Natao grefy izy ireo.”

“Oh,” hoy aho, “hitako. Ankehitriny, amin’ny taona manaraka, dia hanana voasary izy rehetra satr-...”

<sup>95</sup> “Oh, tsia. Ny hazo tsirairay dia hitondra ny azy manokana. Ny sampana tsirairay dia hitondra ny voankazony manokana.”

<sup>96</sup> Maro aminareo mpamboly voankazo no mahafantatra an’izany, eto amin’ity lohasaham-boasary ity. Hitondra ny azy manokana izy. Apetraho ao anatin’ny hazo voasary iray ny tahom-boasary makirana, hitondra voasary makirana izy, satria izany no natioran’ny voam-boasary iray. Kanefa, tsy hitondra an’ilay voankazo tany am-boalohany izy.

Ary izany no nataontsika. Nanao grefy tao isika, nampiditra niaraka tamin’ireo fanekem-pinoana, sy ny sisa, ary nanao grefy tao amin’ny tsirairay, teto. Ahoana no ahafahan’ireo Metodista hiteraka zavatra iray ankoatry ny zaza Metodista? Ahoana no ahafahan’ny anaram-pianganana iray hiteraka zavatra iray ankoatry ny zaza ara-anaram-pianganana?

<sup>97</sup> Fa raha mba hamoaka sampana iray tany am-boalohany io hazo io, dia hamokatra voasary izy.

Ary noho izany raha mba manao zavatra iray ao amin’ilay Fianganana Andriamanitra, dia ho ny tany am-boalohany izany, miverina miaraka amin’ny Teny indray. Marina tokoa. Tsy maintsy izany, satria ilay Aina dia tao amin’ny Hazo, ary mitondra ny Karazany manokana Izy.

<sup>98</sup> Ankehitriny, fa mahita isika, ankehitriny, fa misy an’io fianganana goavana izay mifindrafindra io, nandrity’ireo taona, mitondra ny voankazony. Ary satria nijanona ireo sampana, dia norantsanany izy ireo. Ao amin’ny Masindahy Jaona 15, dia tsy nandrantsana an’ilay Voaloboka mihitsy, ankehitriny. Nesoriny ireo rantsana, notapahiny izy ireo, satria tsy nitondra voa. Ary—ary isika . . .

<sup>99</sup> Jesosy dia mila voa, ho an’ny Tenany. Ny Vadiny dia tsy maintsy miteraka an’ilay karazana zanaka izay tahaka Azy.

Noho izany, raha tsy miteraka zanaka izany, zanaka Ampakarina, zanaka Teny, amin’izay fotoana izay dia zanaka ara-anaram-pianganana izany. Noho izany, ny fitiavany voalohany, ho an’izao tontolo izao sy anaram-pianganana, lasa niverina nankany amin’izany izy. Ary izany dia tsy afaka hiteraka tena Kristiana iray, tena izy, nateraka indray, satria tsy misy na inona na inona eo hiteraka Azy.

<sup>100</sup> Tahaka ny hoe raha maka sampana voasary makirana iray fotsiny ianareo ka mamekaka azy ao anatin’ao, dia hitondra voasary makirana iray izy, fa tsy afaka hitondra voasary iray, satria tsy tao izany tany amin’ny fiandohana. Fa raha efa voalahatra tany amin’ny fiandohana ilay izy, fahalalana mialoha an’Andriamanitra, voafidy mialoha ary teraka, dia tsy maintsy mamokatra voasary iray izy. Tsy afaka mitondra na inona na inona hafa izy.

<sup>101</sup> Tahaka an'izany ny amin'ilay Fiangonan'Andriamanitra velona, rehefa tonga ilay ora. Ny olona rehetra... Avelao Andriamanitra hanomboka hanao zavatra iray, fa ny olona rehetra dia maka an'ilay baolina ary lasa. Hitanareo? Efa tahaka an'izany foana ilay izy.

Namaky tao amin'ny tantara aho, an'i Martin Luther, tetra vao tsy ela akory izay. Nanao hoe, "Ny... Tsy sarotra loatra ny mino fa afaka nanohitra an'ilay fiangonana Katolika i Martin Luther ka nilamindamina tamin'izany. Fa," hoy izy, "ny zavatra hafahafa, dia hoe afaka nihazona ny lohany teo ambonin'ilay fanaticisme rehetra izay nanaraka ny fifohazany izy, nefo mbola nianona mahitsy teo amin'ny fanamarinany." Hitanareo? Ny zavatra rehetra mihitsy, ireo fakan-tahaka sy ny sisa, nanaraka azy.

<sup>102</sup> Jereo Rtoa. Semple McPherson, Aimee Semple McPherson, izay nanana an'io tempoly teto io. Ny ramatoa mpitory teny tsirairay dia nanana an'ireo elatra, ary nitondra ny Baiboly tamin'ny fomba iray ihany, izao fotsiny—fakan-tahaka ara-nofo fotsiny!

Tsy mety ho ny tany am-boalohany izany. Tahaka an'izany no tsy mampety an'ireo fiangonana. Raha avelanareo hanana zavatra hafa iray ny fiangonana anankiray ao an-tanàna, dia tsy afaka mahatanty an'izany ilay fiangonana hafa. Maka an'izany izy ireo. Hitanareo? Tsy ny tany am-boalohany intsony izy ireo.

Ny Tenin'Andriamanitra no tany am-boalohany. Ny Teny Izany, ary Izany dia tsy maintsy mamokatra ny Karazany avy; ny Karazan'ny Vanim-potoany, voafidy, voafidin'ilay Ray mialoha, Andriamanitra.

<sup>103</sup> Ankehitriny dia ahoana no idirantsika ao amin'io Fiangonana io? "Tamin'ny Fanahy iray no nanaovana batisa antsika rehetra tao amin'io Vatana anankiray io, Vatan'i Kristy," izay ny Ampakarina, ny Teny. "Vita batisa tao tamin'ny alàlan'ny Fanahy Masina."

<sup>104</sup> Ankehitriny dia ndao isika hanamarika raha ao amin'ilay taona farany isika, na tsia. Ankehitriny dia mahita isika, raha mamadika ao amin'ny Genesisy, eo amin'ny, oh, eo amin'ny toko faha-5, afaka mamadika ao amin'ny Lioka ihany koa ianareo ka mahita, fa Enoka no fahafito nanomboka tamin'i Noa. Enoka.

Mikasika ny taranaky ny menarana izany. Satria, raha zanak'i Abela i Kaina, amin'izay fotoana izay izy dia ny fahavalo. Hitanareo? Fa tsy misy n'aiza n'aiza ao amin'ny Baiboly izay nilazana fa zanak'i Abela i Kaina...na Kaina—na zanak'i Adama i Kaina. Satria, dia, hoy ny Baiboly hoe, "Izy dia avy amin'ilay ratsy." Ary tsy i Adama no ilay ratsy. Hitanareo? "Izy dia avy amin'ilay ratsy."

<sup>105</sup> Ankehitriny dia hitantsika fa Enoka no fahafito manomboka amin'i Noa, izay tandindon'ireo taom-piangonana. Ankehitriny,

ny sisa rehetra amin'ireo lehilahy enina ireo, talohany, dia maty, fa i Enoka dia nafindra. Nakarina i Enoka, ilay fahafito, maneho fa izany ilay taom-piangonana fahafito izay mandray ny Fampakarana. Ankehitriny, tsy misy fisalasalana, fa ao amin'ny taom-piangonana fahafito isika. Fantatsika rehetra izany.

<sup>106</sup> Ankehitriny, izany ilay taom-piangonana fahafito izay mandray ny Fampakarana. Ny enina hafa rehetra dia maty. Fa Enoka dia nafindra, satria, “Tsy hita izy. Andriamanitra no naka azy.” Fa Enoka, nakarina, dia tandindona iray avy amin’ny sisa rehetra amin’izy ireo izay maty. Fa ilay—ilay Ampakarin’ny andro farany dia hantsoina hivoaka avy ao amin’ny... Ny fampakarana, tsy mandalo fahafatesana, dia hantsoina hivoaka avy ao amin’ny taom-piangonana fahafito, ka isika ankehitriny no vavolombelon’io taona io. Oh, oadray! Ndao isika hangady an’izany ankehitriny, tena lalina. Hitanareo?

<sup>107</sup> Ankehitriny, eto, ihany koa, dia tandindona iray an'ireo taom-piangonana fito, izay, ao amin'ny Apokalypsy 10:7, hoe io zava-miafina lehibe an'ilay Boky io dia tsy maintsy voaseho amin'ny alàlan'ny Hafatr'ilay anjely fahafito.

<sup>108</sup> Ankehitriny, misy Iraka iray any ambony, isan'andro, ary iraka iray eto an-tany. Ny teny Anglisy hoe *anjely* dia midika hoe “iraka iray.” Ary amin'ny Hafatr'ilay anjely fahafito, raha mbola manao ny filazany izy, ny asam-panompoany, “amin’izay fotoana izay rehefa manomboka mitsoka ny asam-panompoany izy,” tsy hoe rehefa nanomboka izy.

Jesosy, rehefa nanomboka Izy, dia nanomboka nanasitrana ny marary sy ny ory Izy. “Oh, io Raby lehibe io! Mpaminany iray Izy.” Ny olona rehetra dia nila Azy tao amin'ny fiangonany.

Fa rehefa nipetraka Izy indray andro, ka nanao hoe, “Izaho sy Ny Raiko dia Iray,” dia hafa izany. Hafa izany. “Ary raha tsy mihinana nynofon’ny Zanak’olona ianareo, sy misotro Ny Ràny, dia tsy manana Fiainana ianareo ao anatinareo.”

“Nahoana, vampira iray Izy!” Hitanareo? Hitanareo? Hafa izany.

Tsy nanazava an’izany Izy. Efa hitan’izy ireo ilay fanehoana, ilay fanamarinana ny Tenin’Andriamanitra ho an’ny Taonany, natao tena misy ary voaporofa tamin’izy ireo fa Izy io Iraka an’io taona io. Ary tsy nila nanazava na inona na inona Izy.

<sup>109</sup> Mety tsy afaka nanazava an’Izany ireo mpianatra ireo. Fa nino an’Izany izy ireo, na afaka nanazava an’Izany izy ireo na tsia. Nipetraka tsara mihitsy izy ireo ary nino an’Izany. Ahoana no ahafahan’izy ireo hiteny raha hihinana ny Nofony sy hisotro Ny Ràny izy ireo? Nahoana, tsy azo natao ho azy ireo ny hanao an’izany. Fa nino an’Izany izy ireo, satria voatendry izy ireo. Jesosy no nilaza fa Izy “no nifidy azy ireo talohan’ny fanorenana an’izao tontolo izao.” Hitanareo? Nino an’Izany izy

ireo. Na afaka nanazava an'Izany izy ireo, na tsia, dia mbola nino an'Izany foana.

<sup>110</sup> Diniho ankehitriny, ankehitriny, ao amin'ilay taompiangonana fahafito, "Rehefa manomboka mitsoka ilay anjely fahafito, dia tsy maintsy ampahafantarina eo no ho eo ireo zavamiafin'Andriamanitra," ireo Tombokase.

Izany, ireo mpanavao izay...efa nanana fotoana izy ireo. Tsy velona ela be i Luther, na i Wesley koa aza. Tsy velona ela be ireo taona, ireo mpanavao. Nanana ny hafany izy ireo tamin'izany andro izany, ary nandramby an'izany ny olona ka nanao anarampiangonana an'izany. Ary inona izany?

<sup>111</sup> Tsy afaka mandresy ny natiora mihitsy ianareo. Manambara foana ny natiora. Miasa ao amin'ny fitohizana miaraka amin'ny natiora Andriamanitra. Tsy maintsy izany.

Tahaka ny masoandro. Miposaka ny masoandro amin'ny maraina, zaza kely iray teraka izy. Malemy izy, tsy mitondra hafanana betsaka eo aminy. Amin'ny folo ora, dia mivoaka avy ao amin'ny sekoly ambony izy. Eo afovoan'ny andro, dia miditra ao amin'ny fiainana izy. Amin'ny telo ora ny tolakandro, dia miha-antitra izy. Amin'ny dimy ora, dia eo am-pahafatesana izy. Antitra ary malemy indray, miverina mankany am-pasana. Izany ve no faran'ilay izy? Mitsangana indray izy, ny ampitso maraina. Hitanareo?

<sup>112</sup> Jereo ireo hazo, toy ny ahoana no amoahany an'ireo raviny, ny zavatra rehetra izay ataon'izy ireo. Mahita isika ankehitriny, mihintsana avy eo amin'ilay hazo ireo ravina, dia miverina. Inona? Mandeha midina mankao amin'ny fakan'ilay hazo ny aina. Izany ve no faran'ilay izy? Miverina amin'ny lohataona manaraka, miaraka amin'ny fiainana vaovao.

<sup>113</sup> Diniho ankehitriny ireo fiangonana, ahoana fa nanao an'ilay zavatra iray ihany izany tao amin'ny Fanavaozana. Niakatra izy. Nianjera tamin'ny tany io voam-bary io ary maty, teo ambanin'ilay fanenjehan'ny taona maizina. Nandeha nankao amin'ny tany izy. Tsy maintsy maty izy. Ny olona rehetra, arapanahy, dia afaka mahita an'izany. Izany, raha tsy maty sy lò io voa io, dia mitoetra irery izy. Fa tsy maintsy niditra tao amin'ny tany izy, teo ambanin'ilay taona maizina. Nandry tao izy, lò. Ary nivoaka ny ravim-bero kely anankiroa an'ny fiangonana Loterana. Avy tao amin'ny fiangonana Loterana, dia nivoaka ny ravim-bero amboniny, Zwingli sy ny sisa. Avy tamin'io dia nanohy niakatra tao amin'ilay salohy, izay John Wesley, ilay taonan'ny misionera malaza. Nihintsana indray izy. Avy tao no nivoaka io taona mamitaka io, io taona Pentekotista io. Io voam-bary io, io...

<sup>114</sup> Mba nisy olona iray ve, eto, mba efa namboly vary? Jereo io vary io rehefa mijery an'izany ianareo. Rehefa mandeha eo ianareo, manao hoe, "Nahazo vary aho." Toy ny hoe nahazo

vary ianareo eo. Sokafy tsara mihitsy izy dia diniho. Tsy manana vary mihitsy ianareo. Manana akofa iray ianareo. Tsy nampitandrina antsika ny amin'izany ve Jesosy, ao amin'ny Matio 24:22...-efatra? "Amin'ny andro farany, izany, dia tena hiaraka hifanakaiky ireo fanahy anankiroa, hamitaka an'ilay vary voafidy izy tenany izany raha azo natao." Hitanareo? Diniho ankehitriny. Mpitonundra iray izy.

<sup>115</sup> Ankehitriny, ilay Aina izay niakatra nandalo tao amin'i Luther no nanao an'i Wesley. Ilay Aina izay nivoaka avy tao amin'i Wesley no nanao ny Pentekosta. Ilay Aina izay mivoaka avy ao amin'ny Pentekosta no manao an'ilay vary. Fa mpitonundra izy ireo. Hitanareo? Ilay tena Aina dia mandalo eo. Mandalo ilay Hafatra, saingy mandroso mankao amin'ilay vary Izzy. Izany no antony iakaran'ilay vary ka mitondra an'ilay zavatra manontolo ao amin'ny Fampakarana, eto amin'ny tampony eto. Ny Ampakarina, Izzy tenany, dia mivoaka avy amin'ny taona tsirairay. Fa ireo taho ara-anaram-piangonana dia maty, maina ary maty. Efa voamarikareo ve, ity andro farany ity, ahoana fa manomboka miendaka izy ankehitriny? Rehefa manomboka mitombo io vary io, amin'izay fotoana izay ilay—manomboka miala amin'Izany ilay akofa.

<sup>116</sup> Jereo indray ao anatin'io vary kely io rehefa mijery an'izany ianareo. Endaho izy hisokatra tahaka an'izao, dia jereo ao anatin' ary jereo. Manana tsimoka vary kely iray ianareo aoriana ao. Tsy maintsy maka mikrôskôpy mampitombo telopolo ianareo hijerena ny ao anatin', mba hahita an'ilay tsimoka vary kely aoriana ao. Hitanareo?

Izany dia ao aoriana indrindra ao, saingy manomboka mitombo Izzy. Ankehitriny, tsy maintsy eo io akofa io, mba hiaro an'Io, mba hanome Azy anjara iray hivoahana. Fa avy eo rehefa manomboka mitombo Izzy ary manomboka miely ilay Hafatra, amin'izay fotoana izay dia miendaka miala Aminy ilay akofa. Ary mivoaka avy hatrany avy ao amin'io akofa io ilay Aina, mankao amin'ilay vary avy hatrany. Manohy! Tahaka an'izany no nataon'ny taona tsirairay. Izany fotsiny—tsy afaka mandresy ny natiora fotsiny izany. Izany dia... Izany no fitohizan'Andriamanitra, ny fomba Fanaovany zavatra.

<sup>117</sup> Ary ankehitriny dia izany ilay taona izay iainantsika izao ankehitriny izao, ilay taom-piangonana fahafito. Ankehitriny, tsy maintsy voaseho ao amin'ilay voam-bary izy rehetra amin'ny farany, iray hafa miverina. Ankehitriny, raha alainareo ny Lioka ny toko faha-17 ary ny andininy faha-30, hoy Izzy hoe, "Tahaka ny tamin'ny andron'i Sodoma, dia ho toy izany koa amin'ny fihavian'ny Zanak'olona, rehefa manomboka manambara ny Tenany ny Zanak'olona." Inona ny *manambara*? Manao ny Fanambarany ny amin'izay maha-Izzy azy ao amin'ity andro ity. Manambara, amin'ny olona, ny Teny izay nampahfantarina ho an'ilay andro. Manambara, amin'ny olona, amin'ny alàlan'ny

fanehoan'ny Fanahy Masina izay manao fa velona eo anivontsika Jesosy. Ary, tsarovy, voaseho tao anatin'ny olona iray Izy teo. Olona iray! Hoy Izy hoe, “Tahaka ny tamin’ny . . .” Ankehitriny, namaky an'ilay Baiboly iray ihany izay vakantsika Izy, Genesisy. Ankehitriny, mahamarika isika ao amin'io tokon'ny Genesisy eo io, rehefa niresaka mikasika an'izany Jesosy.

<sup>118</sup> Hitantsika eo, fa, tao amin'io, niaraka tamin'ny Lamosiny nitodika nankany amin'io tranolay io, ary Saraha tao anatin'ilay tranolay. Nilaza Izy, nametraka fanontaniana iray Izy. Ary tsy nino izy fa izay hitranga dia afaka hitranga. Hoy Izy hoe, “Ankehitriny, ry Abrahama, hamangy anao Aho amin'ny andron'aina.” Hitanareo? Ary Saraha, tao anatin'ny tranolay, dia nihomehy mikasika an'izany. Hoy Izy hoe, “Nahoana no nihomehy i Saraha, ao anatin'ny tranolay, nanao hoe, ‘Ahoana no hampety an'ireo zavatra ireo?’”

<sup>119</sup> Jesosy no nampanantena. Ary Izy Io. Abrahama dia niantso Azy hoe, “Elohim,” ilay Tsitoha. Izy Io. Ankehitriny, ny Baiboly dia milaza mialoha fa hiverina indray izany amin'ny andro farany. Jesosy no niteny an'izany. “Ary rehefa hitanareo fa manomboka miseho ireo zavatra ireo,” tsarovy fotsiny, rehefa manomboka miseho tahaka an'izany io, dia, “fantatrareo fa akaiky eo am-baravarana ilay fotoana.”

<sup>120</sup> Jereo izao tontolo izao izy tenany. Jereo izao tontolo izao, Sodoma, raha tsy efa nisy Sodoma iray. Jereo ny olona simba ao anatin'ny fahasimbana iray tahaka an'izany. Simba ireo fisainany. Tsy fantatr'izy ireo hoe inona ny fahamaotinana tsotra. Jereo ilay mpandika lalàna . . . [Elanelana tsy voarakipeo—Mpand.] . . . ara-pananahana sy ny sisa.

Ary jereo ireo vehivavintsika, fihoaram-pefy toy ny inona no ataony. Jereo hoe fihoaram-pefin'ny tsi-fahamaotinana toy ny inona, ratsy fitondran-tena eo anivon'ireo vehivavintsika. Ary tsy ny antsika irery ihany . . .

Hoy ianareo hoe, “Ireo Metodista izany.” Izany dia ireo Pentekotista, ihany koa. Ilay zavatra manontolo izany.

<sup>121</sup> Jereo ireo lehilahintsika. Mifikitra izy ireo, raha tokony amin'ny Tenin'Andriamanitra, dia amin'ny fombafomba kely iray an'ny anaram-pianganana. Mifikitra amin'izany izy ireo, raha tokony hivoaka rehefa mahita an'Andriamanitra mampahafantatra ny Tenany tanteraka. Ny antony, dia jamba izy ireo. Tsy afaka mahita an'Izany izy ireo. Tsy hahita an'Izany mihtisy izy ireo.

Diniho ankehitriny izay miseho ato amin'ity, raha mandeha haingana isika.

Heveriko fa mila antsika hiala io ramatoa io. Nahita azy nanetsika ny tànany aho, zavatra iray hafa mikasika ny hoe mila antsika hivoaka izy, noho izany dia tsaratsara kokoa amintsika ny mandeha haingana.

<sup>122</sup> Noho izany ankehitriny dia mariho i Enoka, ny tandindon'ilay Fiagonana. Eto izy dia nanao tandindona ihany koa an'ilay taom-piangonana fahafito. Afaka mieritreritra an'izany ve ianareo? Ilay taom-piangonana fahafito! Mariho. "Amin'ny fitsofan'ny . . ."

<sup>123</sup> Firy no mino fa efa nisy iraka fito ho an'ireo fito fiang- . . . ? Oh, mino an'izany isika rehetra, raha mino ny Baiboly. Raha tsy mino ny Baiboly isika, mazava ho azy, hitanareo, dia tsy mino an'izany. Fa, efa nisy izany.

<sup>124</sup> Ankehitriny dia miaina ao amin'ilay taom-piangonana fahafito isika. Ary rehefa ny Baiboly no nilaza an'izany, ity taom-piangonana fahafito ity hoe, "Rehefa manomboka mitsoka ny Hafany ilay iraky ny taom-piangonana fahafito, dia ireo zava-miafin'ny zavatra rehetra izay efa nahodina, nanerana ny taona, dia ho voambara amin'io fotoana io." Mahita an'izany isika eto, ilay Zanak'olona tonga eo anivon'ny Olony ary manao marina tokoa, manamarina Ny Hafany araka ny Nolazainy fa Hataony. Mahita an'izany isika eto, ao amin'ity taona farany ity ankehitriny.

<sup>125</sup> Ary ireo fiambenana fito, tahaka an'ilay fiambenana fito, an'ny anankiray ho avy. Izy dia tsy tonga tamin'ny fiambenana voalohany, faharoa, fahatelo, fahefatra, fa tonga tamin'ny fiambenana fahafito. Enoka izany, ilay fahafito, izay nafindra. Ary Noa, izay tandindon'ilay sisa nanamborana an'ny Jiosy, dia tsy maintsy nentina teo ambony. Ankehitriny, ao amin'ireo fotoan'ny Baiboly, miresaka mikasika an'ireo fiambenana. Ary ireo alina dia tsy voazara tamin'ny ora, ao amin'ny fotoan'ny Baiboly.

<sup>126</sup> Henoy tsara ankehitriny. Satria, handeha haingana aho ankehitriny, satria mila an'ilay efitra izy ireo. Tsia. Ny Baiboly dia tsy voazara, na—na . . .

<sup>127</sup> Tsy voazara tamin'ny ora ny alina, ao amin'ny fotoan'ny Baiboly. Voazara tamin'ny fiambenana izany. Nisy fiambenana telo. Ankehitriny, ny fiambenana voalohany dia nanomboka tamin'ny sivy hatramin'ny roa ambin'ny folo. Ny fiambenana faharoa dia nanomboka tamin'ny roa ambin'ny folo hatramin'ny telo. Ary ny fiambenana fahatelon'ny alina dia nisaina nanomboka tamin'ny telo hatramin'ny enina. Ankehitriny dia manana telo isika, telo intelo, izay sivy, isa tsy feno. Noho izany dia miverina amin'ny fito isika ho an'ny Fampakarana, izay hiseho, mino aho, eo anelanelan'ny amin'ny enina sy amin'ny fito ora . . . na amin'ny enina sy amin'ny sivy ora, maraina anankiray. "Fa hitsoka ny trompetran'ny Tompo."

Amin'ilay maraina mamiratra sy tsy misy rahona  
rehefa hitsangana ny maty ao amin'i Kristy,  
Ka hizara ny voninahitry ny Fitsangany;

Rehefa hiangona any an-tranony any ankoatry ny lanitra ireo Voafidiny,  
 Rehefa antsoina any ambony any ilay horonana,  
 dia ho any aho.

<sup>128</sup> Ny teny hoe *fampakarana*, ao amin'ny Baiboly, dia tsy nampiasaina akory mihitsy aza. Napetratsika eo fotsiny io teny io. Hoy ny Baiboly hoe, "nakarina; nentina niakatra." Mamaky isika ato amin'ny Tesaloniana Faharoa...Na, Tesaloniana Voalohany, izany no filaharan'io Fampakarana lehibe izay hiseho amin'ny andro farany io. Henoy ity eto ity. Hanomboka eto amin'ny andininy faha-13 isika:

...Tsy tiako ianareo...tsy hahafantatra, ry rahalahy, mikasika an'ireo izay nodimandry, mba tsy hahalahelovanareo, tahaka an'ireo hafa izay tsy manana fanantenana.

*Fa raha mino isika... Kristy dia maty ary nitsangana indray, dia ho toy izany koa ireo...izay nodimandry tao amin'i Jesosy dia ho entin'Andriamanitra hiaraka aminy.*

*Fa izao no lazainay aminareo amin'ny tenin'ny Tompo, fa isika izay velona ka mitoetra hatramin'ny fihavian'ny Tompo dia tsy hialoha... (Io teny hoe hialoha io dia midika hoe "hisakana.")...an'ireo izay nodimandry.*

*Fa ny Tompo izy tenany no hidina...*

Henoy tsara ankehitriny:

...ny Tompo izy tenany no hidina avy any an-danitra amin'ny fiantsoana iray, sy amin'ny feon'ny arikanjely, ary...ny trompetran'Andriamanitra: ka ireo maty ao amin'i Kristy no hitsangana aloha:...

<sup>129</sup> Ankehitriny dia tiako ianareo hanamarika zavatra iray lehibe izay miseho eto ankehitriny. Aza diso an'ity. Hitanareo? Mariho ankehitriny. Ny Teny dia milaza eto, ao amin'ny Tesaloniana Faharoa, fa misy zavatra telo. Mariho. Manomboka amin'ny andininy faha-13 hatramin'ny faha-16, dia misy zavatra telo izay tsy maintsy mitranga alohan'ny isehoan'ny Tompo Izy tenany. Haingana mihitsy ankehitriny, mba ahafahantsika mamarana. Hitanareo? Ny zavatra voalohany mitranga... Mariho: fiantsoana iray, feo iray, trompetra iray. Ndaoo vakiantsika Izany ankehitriny ka hahita raha marina izany. Hitanareo?

*Fa ny Tompo izy tenany (andininy faha-16) no hidina avy any an-danitra amin'ny fiantsoana iray, sy amin'ny feon'ny arikanjely, ary...ny trompetran'Andriamanitra:...*

<sup>130</sup> Zavatra telo no mitranga: Feo iray...Fiantsoana iray, feo iray, trompetra iray, no tsy maintsy mitranga alohan'ny isehoan'i

Jesosy. Ankehitriny, fiantsoana iray...Jesosy no manao an'ireo telo rehetra ireo rehefa Izy no—Izy no—Izy no—Izy no midina.

Fiantsoana iray, inona ilay fiantsoana? Izany dia ilay Hafatra mivoaka, aloha, ilay Mofon'Aina velona maneho ny Ampakarina.

<sup>131</sup> Ankehitriny, Andriamanitra dia manana fomba iray fanaovana zavatra. Ary tsy manova ny Foto-keviny mihitsy Izy. Izy tsy manova mihitsy ny Fo...Izy no Andriamanitra tsy miova. Ao amin'ny Amosa 3:7, nilaza Izy fa Izy dia tsy hanao na inona na inona eto ambonin'ny tany raha tsy Nambarany tamin'ireo mpaminany Mpanompony aloha izany. Ary azo antoka tahaka ny Nampanantenainy azy mihitsy, no Hanaovany azya.

<sup>132</sup> Ankehitriny, dia nitety an'ireo taom-piangonana isika. Fa nampanantenaina isika amin'ny andro farany, araka ny Malakia 4, fa hisy fiverenana iray indray, an'ny mpaminany iray ao amin'ny firenena. Marina izany. Mariho ny natiorany, hitovy amin'ny inona izy. Izy isan'andro dia...

Mampiasa an'io fanahy io indimy Andriamanitra: indray mandeha tao amin'i Elia; tao amin'i Elisa; tao amin'i Jaona Mpanao-batisa; miantso an'ilay Fiagonana hivoaka; ary ilay sisà nanamborana amin'ireo Jiosy. In-dimy, "fahasoavana," J-e-s-o-s-y, [Amin'ny teny Anglisy dia J-e-s-u-s-Mpand.] f-i-n-o-a-n-a, [f-a-i-t-h] ary isan'ny fahasoavana izany. Hitanareo? Eny àry.

<sup>133</sup> Ankehitriny, tsarovy, ny Hafatra dia nampanantenaina. Ary rehefa tena nokorontanin'ny andiana mpitondra fivavahana ireo zava-miafina rehetra ireo, izany dia hila mpa—mpaminany mivantana avy amin'Andriamanitra hanambara Azy. Ary izany marina tokoa no Nampanantenainy hatao. Hitanareo?

<sup>134</sup> Ankehitriny, tsarovy, "Ny Tenin'ny Tompo dia tonga amin'ny mpaminany," fa tsy teolojiana. Ny mpaminany, izy dia mpampitaratra iray an'ny Tenin'Andriamanitra. Tsy afaka milaza na inona na inona izy; tsy afaka milaza ny fisainany manokana izy. Afaka milaza fotsiny ihany an'izay ambaran'Andriamanitra izy. Na dia i Balama mpaminany aza rehefa niezaka ny hamidy izy, hivarotra ny zony, hoy izy hoe, "Ahoana no ahafahan'ny mpaminany iray hilaza zavatra afa-tsy izay apetrik'Andriamanitra ao am-bavany?" Izany dia zavatra iray izay ataon'Andriamanitra, ka tsy afaka miteny na inona na inona hafa ianareo. Ary tahaka an'izany no nahaterahanareo. Tsy afaka koa ianareo...

<sup>135</sup> Raha afaka milaza ianareo hoe, "Izaho—izaho—tsy afaka manokatra ny masoko aho," nefà mijery ianareo. Hitanareo? Tsy vitanareo. Tsy afaka tsy hanatsotra ny tànanareo ianareo, nefà afaka. Hitanareo? Tsy afaka ny ho alika ianareo nefà olombelona iray. Hitanareo? Tahaka an'izany fotsiny no nanaovana anareo.

Ary Andriamanitra isan'andro dia manana, ihany koa, tao amin'ireo taona, tamin'ny alàlan'i Isaia, Jeremia sy ny rehetra, ilay Elia, tao amin'ireo taona lasa. Rehefa nanao ny zavatra rehetra hikorontana ilay vondron'ny mpitondra fivavahana, dia nandefa mpaminany iray Izy, nanangana azy tsy avy taiza na taiza. Tsy nikambana tamin'ny iray tamin'ireo asan'izy ireo izy, fa niteny Ny Teniny. Niala teo amin'ny sehatra, ary lasa, lehilahy henjana fotsiny an'ny Fahamarinan'Andriamanitra. Ary izany foana no azonareo tenenina aminy. Hoy Izy hoe, "Raha misy anankiray eo anivonareo izay ara-panahy na mpaminany iray . . ."

<sup>136</sup> Ankehitriny, ireo mpaminany. Misy ny zavatra iray toy ny "fanomezam-pahasoavan'ny faminaniana" ao anatin'ilay Fiagonana; fa ny mpaminany iray dia voafidy mialoha sy voatendry mialoha ho an'ilay ora. Hitanareo? Eny, tompoko. Ankehitriny, raha mivoaka ny faminaniana iray, dia roa na telo no tsy maintsy mipetraka ary mitsara na marina izany na tsia, mialohan'ny ahafahan'ny fiagonana mandray an'izany.

<sup>137</sup> Fa tsy misy olona apetraka eo alohan'ny mpaminany iray, satria izy dia—izy dia ny Tenin'Andriamanitra tanteraka tokoa. Izy io Teny tamin'ny androny io. Nahita an'Andriamanitra mitaratra ianareo. Ankehitriny, Andriamanitra dia nampanantena ny handefa an'izany ho antsika indray amin'ny andro farany, mba hamoaka ny Ampakarina avy ao amin'io korontana ara-pivavahana io, ao amin'ilay fomba tokana izay mety hahavita azy.

<sup>138</sup> Tsy ho vita mihitsy izany; tsy afaka mandray an'i Kristy ny fiagonana. Isika, ireo Pentekotista, tsy afaka mitondra an'ity Hafatra ity ao amin'ny toerana izay misy ny fiagonana amin'izao andro izao isika. Ahoana no hitondrantsika ny andro farany ao amin'ny toerana izay misy azy ireo amin'izao andro izao, nefy ny tsirairay avy dia manohitra an'ilay hafa, sy ny zavatra hafa rehetra, ary tena ara-pivavahana? Oh, mamindrà fo! Loto iray izany. Efa lasa ao anatin'ireo anaram-piagonana izany. Ary amin'ny fotoana rehetra... Mangataka mpahay tantara iray aho mba—mba—mba hilaza hafa. Isaky ny nivoaka teto an-tany ny hafatra iray, ka rehefa nandrafitra an'izany izy ireo, dia maty teo no ho eo izany. Ary ny Pentekosta dia nanao an'ilay zavatra iray ihany izay nataon'izy rehetra, ilay Pentekosta izay nivoaka.

<sup>139</sup> Ianareo, Assemblées de Dieu, rehefa nivoaka avy tao amin'ireo rafi-pandaminana ireo raibenareo sy ireo reninareo tany aorianana tany, tao amin'ilay Fivoriambe Lehibe fahiny, nihiakiaka sy nidera an'Andriamanitra, ary niresaka nanohitra an'ireo zavatra ireo. Fa niverina ianareo, "tahaka ny alika mankeo amin'ny lòany, sy ny kisoavavy mankeo amin'ny fotany," ary nanao an'ilay zavatra iray ihany izay nataon'izy ireo. Ary ankehitriny dia tena ara-pivavahana, nakatonareo ireo

tsinain'ny fangoraham-ponareo. Tsy maintsy manana kara-piombonana iray ianareo alohan'ny ahafahana mikambana aminareeo mihitsy aza, saiky.

<sup>140</sup> Ianareo, an'ny Tokana, nanome anareo hafatra iray tahaka an'izao Andriamanitra, ka raha tokony handroso ianareo, sy manohy manetry tena fotsiny ary mandroso, dia tsy maintsy namotsotra ianareo ka nandrafitra ny vondronareo. Ary aiza no misy anareo rehetra? Ilay siny iray ihany. Marina izany.

Ary ny Fanahin'Andriamanitra, manohy mandroso. "Izaho Tompo no namboly Azy. Izaho no hanondraka Azy, andro aman'alina. Fandrao hisy hanao..." Izy no nandahatra an'ireo zavatra ireo hisy, ary tsy maintsy mandefa an'Ity Izy.

<sup>141</sup> Ny zavatra voalohany tonga, rehefa manomboka midina avy any An-danitra Izy, dia misy fiantsoana iray. Inona izany? Izany dia Hafatra iray, mba hanangona ny olona. Mivoaka ny Hafatra iray, aloha. Ankehitriny, fotoan'ny fanadiovana ny fanilo, "Mitsangàna ka diovy ny fanilonareo." Fiambenana inona izany? Ilay fahafito, fa tsy ilay fahenina. Ilay fahafito, "Indro, tamy ny Mpampakatra. Mitsangàna ka diovy ny fanilonareo." Ary nanao izy ireo. Ny sasany tamin'izy ireo dia hita fa tsy nanana Diloilo akory aza izy ireo tao anatin'ny fanilony. Hitanareo? Fa izany no fotoan'ny fanadiovana ny fanilo.

Izany no fotoan'ny Malakia 4. Inona no Nam-... Izany no Lioka 17. Izany no—izany no Isa-... Ireo faminaniana rehetra izay Azony napetraka tanteraka tao amin'ny lamina ho an'izao andro izao, ao amin'ny Soratra, dia hitantsika velona eo mihitsy izany. Tsy misy...

<sup>142</sup> Hitantsika mitranga ireo zavatra ireo, ry rahalahy malalako, ranabaviko. Fa, Andriamanitra any An-danitra dia mahafantatra fa afaka ho faty eto ambonin'ity lampihazo ity aho izao ankehitriny izao. Ianareo—tokony handeha manodidina vetivety fotsiny ianareo. Izany fotsiny dia... Goavana be izany, rehefa mahita an'Andriamanitra tonga avy any An-danitra ianareo, mitsangana eo anatrehan'ireo vondron-olona, ary mitsangana eo, manambara ny Tenany tahaka ny Nataony hatramin'izay mihitsy. Ary izany no Fahamarinana, ary misokatra ity Baiboly ity. Hitanareo? Marina. Eto isika.

<sup>143</sup> Ary maty ilay rafitra ara-anaram-piangonana. Vita ny aminy. Tsy hitsangana intsony indray izy. Hodorana izy. Izany no ataoareo amin'ilay akofa eo amin'ny saha. Mandosira lavitra an'izany. Midira ao amin'i Kristy. Aza manao hoe, "Mikambana amin'ny Metodista aho. Mikambana amin'ny Batista aho. Mikambana amin'ny Pentekotista aho." Midira ao amin'i Kristy.

Raha ao amin'i Kristy ianareo, dia tsy misy Teny iray voasoratra Ato afa-tsy ny inoanareo an'Izany. Tsy ahoako izay nolazain'olon-kafa. Ary avy eo dia Andriamanitra no manao an'io zavatra io ho voaseho. Satria, ianareo, rehefa mandraraka

ny Fanahy eo amin'ny Teny Izzy, dia inona no mitranga? Tahaka ny mametraka rano eo ambonin'ny voa hafa rehetra fotsiny. Ho velona Izany, ary hamokatra ny Karazany avy Izany.

<sup>144</sup> Hoy ianareo hoe, “Manana an’ilay batisa aho, ny Fanahy Masina.” Tsy midika izany fa hoe voavonjy ianareo, lavitra an’izany.

<sup>145</sup> Jereo eto. Olona telo ianareo. Izany ianareo. Ao anatin’ity olona kely eto ity dia misy ny aina, ny manaraka dia ny fanahy, ary ny manaraka dia ny vatana. Ankehitriny, manana taovam-panamboloana dimy ianareo ao anatin’ity vatana ity, mba hifandray amin’ny fonenanareo eto an-tany. Tsy mifandray amin’ny sisa amin’izany izy ireo. Manana taovam-panamboloana dimy an’ny fanahy ianareo, *eto*: fitiavana sy fieritreretana, sy ny sisa, an’izany. Fa *ato* anatiny dia ao *ianareo* no velona. Izany no maha-izy anareo.

<sup>146</sup> Tsy nilaza ve Jesosy hoe, “Ny ranonorana dia milatsaka eo amin’ny marina sy ny tsy marina”? [Hoy ny fiangonana hoe, “Amena.”—Mpand.] Mameatraha tsipolitra iray eto, ary vary iray etsy, ka andraraho rano eo ambonin’izy ireo, ary tehirizo eo ambanin’ny lonaka izy ireo sy ireo zavatra tahaka an’izany, tsy hivelona amin’ilay rano iray ihany ve izy roa ireo? [“Amena.”] Azo antoka. Eny, inona izany? Ny iray amin’izy ireo dia hitondra tsipolitra, satria izay ihany no maha-izy azy. Hanangana ny tanany ilay tsipolitra ka hihiakiaka tahaka an’ilay vary mihtisy.

<sup>147</sup> Tsy milaza ve ny Baiboly hoe, “Amin’ny andro farany, dia ho tonga ireo Kristy sandoka”? [Hoy ny fiangonana hoe, “Amena.”—Mpand.] Tsy hoe “ireo Jesosy sandoka,” ankehitriny. “Ireo Kristy sandoka,” ireo voahosotra, voahosotra sandoka araka ny Teny; voahosotra ara-anaram-piagonana, fa tsy araka ny Teny.

Satria, ny Teny dia hanambara ny Tenany. Tsy mila na inona na inona hafa Izzy. Hanambara ny amin’ny Tenany Izzy.

“Ary ho tonga ireo voahosotra sandoka.” Manana ny horonam-peoko eo amin’izany ianareo. Ary io voaho- . . .

Oh, raha hiantso ny iray amin’izy ireo ianareo, hanao hoe, “Oh, ianao, Jesosy iray ve ianao?”

“Oh, tsia tokoa.” Tsy hahatanty an’izany izy ireo.

<sup>148</sup> Fa ilay izy rehefa tonga eo amin’ny “Oh, voninahitra! Manana an’ilay hosotra aho!” Ary ilay hosotra tena izy izany. Tsarovy, Kaiafa dia nanana an’Izany, ihany koa, ary naminany. Toy izany koa no nananan’i Balama an’Izany, ary naminany.

Fa tsy misy idiran’izany amin’ity, ao anatiny. Raha tsy voan’Andriamanitra izany, ny Tsimony avy tany amin’ny fiandohana, voafidy mialoha, dia vita ny aminareo. Tsy ahoako na impiry ianareo no mihiakiaka, miteny amin’ny fiteny tsy

fantatra, mihazakazaka, mihiakiaka. Tsy misy idiran'izany amin'io.

Ny tsipolitra iray dia afaka manisa betsaka tahaka ny sisa rehetra amin'izy ireo. Efa nahita mpanompo sampy nitsangana aho, ary nihiakiaka, sy niteny tamin'ny fiteny tsy fantatra, ary—ary nisotro rà avy tao amin'ny karandohan'olombelona, ka niantso ny devoly. Hitanareo? Noho izany ianareo dia tsy... Ny iray amin'ireo fahatsapana sy ny sisa ireo, adinoy izany.

Ilay izy dia ny fonareo ao anatin'io Teny io, ary Kristy izany. Ento ao, dia diniho fa mampahafantatra ny Tenany Izzy, misokatra mihitsy Izzy tahaka ny voa hafa rehetra, ary manambara ny Tenany ho an'ilay taona izay Iainany.

<sup>149</sup> Luther dia tsy afaka nitondra afa-tsy rantsana kely. Ireo zavatra hafa ireo dia afaka nitondra an'ireo zavatra hafa. Ao amin'ny taonan'ny vary isika ankehitriny.

Ireo Luther tena izy an'i Luther dia tsy maintsy namokatra Luther tena izy. Ny pentekosta tena izy dia tsy maintsy nitondra pentekosta tena izy. Izay ihany. Fa efa nihoatra an'io taona io isika, ary manohy.

<sup>150</sup> Fantatrareo ve, fa ny fiangonana Katolika, dia nanomboka, ny pentekotista? Ary raha haharitra roa arivo taona ny fiangonana Pentekotista, dia ho ao amin'ny toerana ratsy kokoa noho ny Katolika ankehitriny izy. Marina tokoa izany. Milaza an'izany amin'ireo rahalahiko aho, ireo anabaviko, izay tiako. Ary Andriamanitra no mahafantatra an'izany. Fa tsarovy, ry sakaiza, tsy maintsy hihaona aminareo aho any amin'ny Fitsarana. Ary mety tsy ho ela izany. Tsy maintsy manambara an'izay Fahamarinana aho.

<sup>151</sup> Rehefa nandeha tao amin'ireo favoriana niaraka taminareo aho, nivavaka ho an'ny marary, dia nahafinaritra izany. Fa, rehefa tonga niaraka tamin'ny Hafatra iray aho! Raha mivoaka ny Hafatra iray, izany dia Hafatra iray marina...

Ary raha izany no fahagagan'Andriamanitra marina, tena izy, nefá mijanona mihitsy ao anatin'io rafi-pandaminana io, dia fantatrareo fa tsy avy amin'Andriamanitra izany, satria efa voambara io zavatra io.

Nandeha Jesosy ary nanasitrana ny marary, mba hisintonia ny mason'izy ireo, ny olona, avy eo dia Ny Hafany. Marina izany.

Tsy maintsy manana zavatra iray izay hampidirin'Andriamanitra izany. Izzy fotsiny... Fanasitrana ny amin'Andriamanitra, ireo Fahagagany tahaka an'izany, dia misintonia fotsiny ny mason'ny olona. Ny fo lehibe an'Izany dia ilay Hafatra. Izany ilay izy, izay avy ato. Miezaka ny hahita fitia avy amin'ny olona Izzy, mba hipetrahan'izy ireo sy hihainoany Azy, hitanareo, satria misy sasany ao izay voalahatra ho amin'ny Fiainana.

Ny sasany amin'ilay voa, vary, dia latsaka eo amin'ny tany, ka ireo vorona no nitsaingoka azy. Ary ireo hafa dia latsaka teo anivon'ireo tsilo. Ary ny sasany dia, nandeha teo amin'ny tany voamboatra, tany voamboatra mialoha, ka namokatra.

<sup>152</sup> Ankehitriny, izany ilay zavatra voalohany, dia ny fitsofana. Ny zavatra voalohany dia trompetra iray ary ny...na feo iray...Fiantsoana iray; ary avy eo dia feo iray; ary avy eo dia trompetra iray.

Fiantsoana: hafatra iray manao ny olona ho vonona.

Ny faharoa dia feo iray an'ny fitsanganana: ilay feo iray ihany, izay, feo mahery iray ao amin'ny Masindahy Jaona 11:38-44, izay niantso an'i Lazarosy avy tao am-pasana.

Manangona ny Ampakarina; ary avy eo ilay fitsangananan'ny maty, hitanareo; mba hakarina miaraka amin'Izany. Ankehitriny diniho ireo zavatra telo miseho. Ny manaraka dia inona? Trompetra iray izany. Feo iray...Fiantsoana iray; feo iray; trompetra iray.

<sup>153</sup> Ankehitriny, ilay zavatra fahatelo, dia trompetra iray, izay, isan'andro, ao amin'ny Fetin'ny Trompetra, dia miantso ny olona ho amin'ny fety. Ary izany dia ho ny Sakafo harivan'ny Ampakarina, ny Sakafo harivan'ny Zanak'ondry miaraka amin'ny Ampakarina, eny amin'ny lanitra. Hitanareo?

<sup>154</sup> Ny zavatra voalohany mivoaka dia Ny Hafany, miantso ny Ampakarina miaraka. Ny zavatra manaraka dia ny fitsanganana iray an'ilay Ampakarina izay matory; ireo—ireo izay maty, tao amin'ireo taona tany aoriana, akarina miaraka izy ireo. Ary ilay trompetra, ny Fety any an-danitra, eny amin'ny lanitra. Nahoana, izany ilay zavatra izay miseho, ry sakaiza.

<sup>155</sup> Eo mihitsy isika, vonona ankehitriny. Ny zavatra tokana, ilay Fiangonana izay mivoaka, dia tsy maintsy mipetraka eo anoloan'ilay Zanaka, mba ho masaka.

Handalo ilay milina mpijinja lehibe, afaka kelikely. Hodorana ny vary, ireo taho, fa ny voa dia hangonina ao amin'ny Sompiny. Hitanareo?

<sup>156</sup> Tsy olona jamba ianareo. Ianareo dia—olona mato-tsaina ianareo.

Ary raha nitsangana teto moa aho ka nilaza an'ireo zavatra ireo ho fanimbàna? Milaza an'Izany aho satria Fiainana Izany, satria tompon'andraikitra amin'Andriamanitra aho mba hilaza an'Izany. Ary tsy maintsy lazaiko Izany. Ary ny Hafatra... Nahafantatra foana, teo ambanin'ny fanasitranana sy ny sisa fa hisintonana ny fifantohan'ny olona fotsiny izany, nahafantatra fa ho tonga ny Hafatra. Ary indro eto Izany. Ary ireo Tombokase Fito nisokatra, ireo zava-miafina ireo, ary maneho an'ireo zavatra izay mitranga. Tsy nahafantatra an'izany aho.

<sup>157</sup> Fa misy lehilahy mitsangana eto mihitsy ankehitriny, izay nitsangana niaraka tamiko mihitsy. Rehefa, nandre ahy nitory an'io toriteny io ianareo rehetra hoe: *Tompokolahy, Amin'Ny Firy Izao?* Tamin'io maraina io, teo amin'izay nilazan'Izany marina mihitsy fa hisy Izany, dia nijoro teo ireo Anjely fito izay nitsangana tany mihitsy, avy tany An-danitra. Ary raha niakatra Izy ireo, ka nitondra Azy ireo niakatra tany ilay tadio, dia nitsangana izahay, nandinika raha lasa Izy ireo, naka ny sarin'Izany ny siansa, nanerana ny firenena, hatrany Mexico.

<sup>158</sup> Ary tany, rehefa nandinika aho, indray andro, rehefa nanomboka nitory an'ireo *Taona Fiton'Ny Fiagonana* aho, dia niantso an'i Jack Moore, teolojiana malaza iray, ka hoy aho hoe, "Jack, Iza io Olona mitsangana eo io? 'Misy Anankiray tahaka ny Zanak'olona mitsangana eo, ny volo fotsy toy ny volonondry.'" Hoy aho hoe, "Izy dia Lehilahy tanora iray, ahoana no Ahafahany manana volo fotsy tahaka ny volonondry?"

<sup>159</sup> Hoy izy hoe, "Rahalahy Branham, izany no Vatany nomem-boninahitra." Tsy naneno tsara izany.

Fa rehefa niditra tao amin'ny efitra aho ary nanomboka nivavaka, dia Nampahantariny ahy hoe inona ilay izy. Hitanareo?

<sup>160</sup> Nitory foana aho fa Izy no maha-Andriamanitra, fa tsy olona iray fotsiny. Izy no Andriamanitra voaseho tao amin'ny nofo: Andriamanitra, ilay toetran'Andriamanitra, an'ny fitiavana; ireo toetra lehibe izay nidina, voaseho teto an-tany teto, an'Andriamanitra. Jesosy no fitiavan'Andriamanitra, izay nanorina vatana iray izay nipetrahan'i Jehovah Izy tenany. Izy no fahafenoan'ny maha-Andriamanitra ara-batana. Izay nahai-zy an'Andriamanitra, dia Nasehony tamin'ny alàlan'io vatana io. Tsy maintsy maty io vatana io, mba Ahafahany manasa ny Ampakarina amin'Ny—amin'Ny—amin'Ny Ràny.

<sup>161</sup> Ary mariho, tsy hoe voasasa fotsiny ihany ny Ampakarina, voavela, fa nohamarinina Izy. Hitanareo? Ianareo ve efa mba nanandrana ny teny hoe *nohamarinina*, mba hahita hoe inona no dikan'izany?

Ankehitriny, ohatra, raha nandre Rahalahy Green fa nisotro aho, nanao zavatra ratsy aho, nefá avy eo dia hitany fa tsy nanao an'izany aho, avy eo dia tonga izy, manao hoe, "Mamela anao aho, Rahalahy Branham."

<sup>162</sup> "Mamela ahy ianao? Tsy nanao an'izany mihitsy aho. Amin'ny inona no amelanao ahy?" Hitanareo? Fa raha meloka aho, amin'izay fotoana izay aho vao azo avela; fa tsy mbola marina aho, satria nataoko ilay izy.

Fa ny teny hoe *nohamarinina* dia "toy ny hoe tsy nanao an'ilay izy mihitsy ianareo, mihitsy." Nohamarinina! Ary noho izany dia ny Ràny Jesosy Kristy no manadio antsika mihitsy amin'ny fahotana, hany ka napetraka ao anatin'ny Bokin'ny

fanadinoan'Andriamanitra izany. Izy irery ihany no Anankiray afaka manao an'izany.

<sup>163</sup> Tsy afaka isika. Afaka mamela isika fa tsy manadino. Afaka mamela anareo aho, saingy mahatsiaro anareo foana nanao an'ireo zavatra ratsy ireo. Noho izany, tsy marina ianareo; navela ianareo.

Fa, eo imason'Andriamanitra, dia nohamarinina ny Ampakarina. Tsy nanao an'ilay izy mihitsy Izy, eo ampanombohana. Amena. Mitsangana eo, manambady an'ilay Zanak'Andriamanitra madio; tsy nanota mihitsy, eo ampanombohana. Nahoana? Voatendry mialoha Izy. Voaafandrika tao anatin'ity Izy. Fa ankehitriny rehefa nandre ny Fahamarinana Izy ka nivoaka, dia ny Rà no nanadio Azy. Ary mitsangana eo Izy, madio. Hitanareo? Izy, tsy misy fahotana eo Aminy, mihitsy.

<sup>164</sup> Noho izany, ny Hafatra dia miantsso an'ilay Ampakarina miaraka, hitanareo, ilay fiantsoana.

Ary ny trompetra...

Ilay Anankiray ihany, Izy, miaraka amin'ny feo mahery, miantsoantso tamin'io fiantsoana sy feo iray io Izy, ka namoha an'i Lazarosy. Tamin'ny feo mahery iray no Niantsoantsoany hoe, "Lazarosy, mivoaha." Hitanareo? Ary ny feo no mamoha—mamoha an'ilay Ampakarina matory, ireo maty matory.

<sup>165</sup> Ary ny trompetra, "amin'ny feon'ny trompetra iray." Ary, rehefa manao izany, dia miantsso. Isan'andro, dia trompetra iray no miantsso ny Isiraely ho amin'ny Fetin'ny Trompetra. Hitanareo? Izay, Fety pentekotista iray, ilay Fety lehibe eny amin'ny lanitra; ary ny Fetin'ny Trompetra. Ary, ankehitriny, ny trompetra iray dia milaza antso iray hitambatra, "Avia ho amin'ny Fety." Ary ankehitriny dia izany no—no Sakafo harivan'ny Zanak'ondry eny amin'ny lanitra.

Diniho ankehitriny: Ilay fiangonana miaraka; ary ilay Ampakarina; ny Fetin'ny Trompetra; ny Sakafo harivan'ny Mpanambady. Efa hitantsika izany tao amin'ireo tandindona. Diniho vetivety fotsiny ankehitriny alohan'ny hamaranantsika. Mariho. Efa hitantsika izany tao amin'ireo tandindona.

<sup>166</sup> Ankehitriny, raha tianareo ny hamaky ao amin'ny Matio 18:16, Izao no voalaza hoe, "Misy telo izay manambara," hitanareo, ao amin'ny Masindahy...ao amin'ny Jaona Voalohany 5:7, sy ny sisa. Misy vavolombelona iray foana. Marina ve izany? [Hoy ny fiangonana hoe, "Amena." —Mpand.] Izany dia fanamarinana iray, zavatra iray izay marina. Vavolombelona telo manambara. "Amin'ny vavan'ny vavolombelona roa na telo, no aoka hanorenana mafy ny teny rehetra."

<sup>167</sup> Mariho ankehitriny. Efa nanana vavolombelona telo isika. Ny telo dia vavolombelona iray. Ankehitriny, efa nanana

fampakarana telo isika ao amin'ny Testamenta Taloha. Efa fantatrareo ve izany? Ho vavolombelona iray. Diniho ankehitriny. Enoka no anankiray; Elia no anankiray hafa; ary Jesosy no anankiray hafa.

Jesosy, satria ilay Vato fehizoro, ankehitriny, dia Izy no hanambara. Hitanareo? Izy no Vato fehizoro eo anelanelan'ny Testamenta Taloha sy Vaovao, satria tsy maintsy maty Izy aloha ary avy eo dia nampakarina. Maty Izy; tonga tamin'ny fiainana ary nandehandeha teto niaraka tamintsika; ary avy eo dia nampakarina. Satria, Izy no Vato fehizoro izay namatotra ny anankiroa niaraka. Taorian'ny Fitsanganany sy ny fampakarana... Jereo. Rehefa avy nanao an'izany Izy, ary nanaporofa an'izany, ny Testamenta Taloha teo. Isika rehetra dia mahafantatra fa nafindra i Enoka. Fantatsika fa Elia dia nakarina tamin'ny alàlan'ny tadio iray, eny ary, tao anatin'ny kalesy Afo iray. Ary Jesosy dia maty, nalevina, nitsangana ary velona teto an-tany, ary avy eo dia nampakarina, ilay Vato fehizoro. Misy telo, mba hanambara. Marina ve izany?

<sup>168</sup> Ankehitriny, efa nisy fampakarana anankiray efa nandalo. Fantatrareo ve izany? Izany, ndao jerentsika raha afaka mamaky an'izany isika, haingana mihitsy. Ndao alaintsika ny Matio, ny toko faha-27. Ary ndao isika hankeo amin'ny andininy faha-45-n'ny Matio, ny toko faha-27. Ndao jerentsika raha afaka mahita an'izany haingana mihitsy isika, ary hahita raha—raha afaka mamoaka kely fotsiny avy amin'io isika, izay hanampy antsika, haingana mihitsy. 27:45, mino aho, no voasoratro eto. Ndao isika hamaky.

*Ary hatramin'ny ora fahenina dia nisy aizina nanerana ny tany rehetra hatramin'ny fahasivy... .*

*Ary saiky tamin'ny ora fahasivy dia niantsoantso tamin'ny feo mahery Jesosy, nanao hoe, Ely, Ely, lama sabak-... ? izay midika hoe, . . . ry Andriamanitro, nahoana ianao no nahafoy ahy?*

*Ny sasany tamin'izay nitsangana teo, . . . nandre an'izany, dia nanao hoe, Ity lehilahy ity dia miantso . . . Elias.*

*Ary niaraka tamin'izay dia nihazakazaka ny iray tamin'izy ireo, ka nandray sipaonjy iray, ary nameno vinaingitra an'izany, ka notohizany tamin'ny volotara iray izany, ary nanome an'izany ho azy mba hosotroina.*

*Ny sisa dia nanao hoe, . . . aoka ho hitantsika raha ho avy i Elias ka hamonyjy azy.*

*Jesosy, rehefa niantsoantso izy . . . tamin'ny feo mahery, dia nanolotra . . .*

“Feo mahery iray.” Feo mahery! Diniho.

*Jesosy rehefa, teo am-pahafatesana, dia niantsoantso tamin'ny feo mahery iray, dia nanolotra ny fanahy.*

*Ary, indro, ny efitra lamban'ny tempoly dia triatra nizara roa avy teny amin'ny tampony ka hatrany ambany; ary nihorohoro ny tany, ary ireo vatolampy dia nitresaka;*

*Ary nisokatra ny fasana; ka maro tamin'ny vatana . . . ireo olo-masina izay nodimandry no nitsangana,*

*Ka nivoaka avy tao amin'ny fasana taorian'ny fitsanganany, ary nankao amin'ny tanana masina, ka niseho tamin'ny maro.*

<sup>169</sup> Fampakarana anankiray no lasa.

Telo no nitranga tao amin'ny Testamenta Taloha, an'ireo izay niomana, izay nahatongavan'ny Tenin'ny Tompo. Hitanareo? Ny Tenin'ny Tompo dia tonga tamin'i Enoka. Ny Tenin'ny Tompo dia tonga tamin'i Elia, ny Mpaminaniny. Hitanareo? Ny Tenin'ny Tompo dia Jesosy. Hitanareo?

<sup>170</sup> Diniho ao amin'ny Testamenta Taloha, ireo olo-masin'ny Testamenta Taloha ankehitriny, rehefa niseho io fampakarana voalohany io. Mariho ny andininy 50. Ny Feony mahery no namoha an'ireo olo-masin'ny Testamenta Taloha tahaka an'ilay feo mahery marina mihitsy izay namoha an'i Jesosy . . . na namoha an'i Lazarosy. Hitanareo? Ilay feo mahery no namoha.

Ary ilay faharoa dia tanteraka ao amin'ny Tesaloniana Faharoa, ny toko faha-4. Ndao isika hanao famakiana iray fotsiny, hamaky an'izany. Vao avy novakiantsika, minittra vitsy lasa izay. Hitanareo?

*. . . Tsy tiako ianareo . . . tsy hahalala, ry rahalahy, mikasika an'ireo . . . nodimandry, mba tsy hahalahelovanareo, aza . . .*

Izany dia ny Tesaloniana Voalohany 4:12 hatramin'ny 18. Izany, izany no ho ilay Fampakarana faharoa. Ny Fampakarana faharoa dia ho ny fakàna ny Ampakarina.

<sup>171</sup> Ireo olo-masin'ny Testamenta Taloha dia lasa nankao amin'Ny Fanatrehany, foana ny paradisa. Ary niakatra ireo olo-masin'ny Testamenta Taloha, tamin'ny Feony mahery, rehefa niantsoantso Izy ary nanolotra ny fanahy; satria (nahoana?) ilay Fanatitra, ilay fanaovam-panavotana an'ny fahotan'izy ireo, izay nandrasan'izy ireo, nino fa ho avy io Zanak'ondry tanteraka io. Nanolotra ny Fanatitra izy ireo, ilay Zanak'ondry. Ary rehefa maty Izy ka nanolotra ny fanahy, dia niantsoantso tamin'ny feo mahery iray Izy, ka nifoha ireo olo-masin'ny Testamenta Taloha.

Diniho ilay fiantsoana sy ilay feo eto, ilay zavatra iray ihany amin'Ny Fihaviany. Hitanareo?

“Nanolotra ny fanahy.” Ary rehefa nanao Izy, dia tanteraka ilay Fanatitra, ary foana ny paradisa. Ary tonga teto an-tany indray ireo olo-masin’ny Testamenta Taloha, nandehandeha teto an-tany, ary niditra niaraka Taminy, tamin’ny Fampakarany.

<sup>172</sup> Davida no nilaza, eo hoe, “Misandrata, ry vavahady mandrakizay; ary aoka hisandratra ianareo.” “Nitondra babo ho babo Izy, nanome fanomezana ho an’ny olona,” ary niditra niaraka Taminy ireo olo-masin’ny Testamenta Taloha.

<sup>173</sup> Hoy izy ireo hoe, “Iza moa izao Mpanjakan’ny fahamarinana izao?”

<sup>174</sup> “Ny Tompon’ny Voinahitra, mahery amin’ny ady.” Mpiady mahery, indro izy ireo miditra, mandeha. “Nitondra babo ho babo Jesosy,” ary indro Izy tonga, miaraka amin’ireo olo-masin’ny Testamenta Taloha. Ary niditra tao amin’ireo vavahady vaovao Tany ambony tany, ka nanao hoe, “Misandrata, ianao ry vavahady mandrakizay; ary aoka hisandratra ianao; ary aoka hiditra ny Mpanjakan’ny Voinahitra.”

Nivoaka avy tao amin’ilay anatiny ny feo, nanao hoe, “Iza moa ilay Mpanjakan’ny Voinahitra?”

<sup>175</sup> “Ny Tompo mahery amin’ny ady.” Nisokatra avy hatrany ireo vavahady. “Ary Jesosy, Mpandresy iray, dia nitondra babo ho babo,” ireo izay nino Azy, ka tonga tamin’izy ireo ny Teny. Teo, nandry tao ireo olo-masin’ny Testamenta Taloha, niandry, “Nitondra babo ho babo Izy; niakatra any amin’ny Avo,” nitondra an’ireo olo-masin’ny Testamenta Taloha ary niditra. Misy Fampakarana anankiray, efa nandalo.

<sup>176</sup> Ny Fampakarana manaraka miseho dia (Tesaloniana Faharoa) ho an’ilay Fiagonana, ny Ampakarina mba hatsangana, mba hampakarina ao amin’ny Voinahitra. “Isika izay velona ka mitoetra,” izany dia ireo vatana tavela eto antany, “dia tsy hialoha na hisakana an’ireo izay nodimandry. Fa hotsofina ny trompetran’Andriamanitra aloha, ka hitsangana ny maty ao amin’i Kristy.” Hitanareo? “Ary isika izay velona ka mitoetra dia hakarina miaraka amin’izy ireo.”

<sup>177</sup> Indray andro, nitsangana teo amin’ny zoron-dàlana aho. Ary izaho—izaho dia nitsangana teo—nitsangana teo amin’ny zoron-dàlana aho ka nandinika an’ilay matson’ny Armistice Day. Ary rehefa niakatra izany, niakatra teo amin’ilay lâlambe, dia nitsangana teo aho niaraka tamin’ny zanakolahy kely, Joseph. Indro tonga, ny voalohany, dia ireo fiara mifono vy trrainay’ny ady voalohany no nandalo, ireo fiara mifono vy trrainay kely. Taorian’izany dia tonga ireo fiara mifono vy lehibe Sherman an’ilay ady vaovao, sy ireo tafondro lehibe niaraka tamin’ny vavam-balany, va—vavam-bala misarona eo ambonin’izy ireo, sy ny sisa.

Taorian’izany, dia tonga ireo miaramila; ireo—ireo—ireo renin’ny Gold Star. Ary avy eo dia tonga ny kalesy iray

niaraka tamin'ny . . . teo . . . Eny, tonga teo ny kalesy iray, ary teo alohany dia nisy vatam-paty iray hoe, "ho an'ilay miaramila tsy fantatra." Ary nitsangana teo ny—nitsangana teo ny miaramila iray, niambina an'ilay vatam-paty. Nitsangana teo ny miaramila an-dranomasina iray teo amin'ilay ilany hafa, ary tantsambo iray teo amin'ilay ilany hafa. Ary nisy fizarana iray voasoratra. Ary teo amin'ilay ilany hafa no nipetraka ny reny Gold Star iray. Nahavery ny zananilahy izy. Nitsangana teo ny vady tanora iray, niaraka tamin'ny lohany teo ambonin'ny latabatra, nitomany. Zazalahy kely rovidrovitra akanjo no nipetraka teo amin'ny sisiny; ary nikoriana teo amin'ny tavany ireo ranomaso. Nahavery ny dadany izy.

Nieritreritra aho hoe, "Alahelo toy ny inona! Mitsangana eto aho ary mijery, mahita azy ireo, miaramila antitra, vitsy fotsiny no tavela; mandeha eo, kilemaina sy antitra, tahaka an'izany, miaraka amin'ireo fanamiany, nefo maneho azy ireo am-pireharehana satria Amerikana izy ireo."

Nieritreritra aho hoe, "Oh, ry Andriamanitro!"

<sup>178</sup> Indray andro any, dia ho tonga ny fipoahana iray avy any An-danitra hoe, "Ary ny maty ao amin'i Kristy no hitsangana aloha." Ireo olo-masin'ny Testamenta Taloha tany aoriania tany, izay miandry, no hipoaka ary hivoaka eo aloha, ka hiditra ao amin'ny fitsanganana. Hilahatra avy hatrany isika, handeha any an-danitra; novaina ireto vatana tranainity mety maty ireto ka natao nitovy tamin'ny Vatany Manokana be voninahitra. Inona ny—ho matso iray toy ny inona izany rehefa manomboka mandroso mankany an-danitra, indray andro any, ao amin'io fotoan'ny fampakarana izay mipetraka eo aloha io, oh, maneho am-pireharehana ny Ràn'i Jesosy Kristy eo amin'ny tratrany, ilay Hafatr'Andriamanitra tamin'ny ora izay niainan'izy ireo. Izany ilay ora izay antenaintsika, rahalahy.

<sup>179</sup> Jereo, eo am-pamaranana mihitsy ankehitriny. Ilay fitsanganana faharoa, ny rehetra . . . Efa lasa ny anankiray voalohany. Ilay anankiray faharoa dia antomotra, izao ankehitriny izao, ho tonga tsy ho ela ankehitriny.

<sup>180</sup> Ankehitriny, ilay anankiray fahatelo dia ireo vavolombelona roa an'ny Apokalypsy 11:11 sy 12. Fa, ireo dia ireo izay miverina, miaraka amin'ny Fanahin'i Kristy, mba hijoro vavolombelona amin'ireo Jiosy, tahaka ny nataon'i Josefa tamin'ireo rahalahiny. Ary tsarovy, "Ny vatan'izy ireo dia nandry teny an-dàlambe, nandritry ny telo andro sy tapany. Avy eo dia niditra tao anatin'izy ireo ny fanahin'aina, ka nampakarina izy ireo, nakarina nankany An-danitra."

Io ireo fampakarana telonareo an'ny Testamenta Vaovao.

Fampakarana telo an'ny Testamenta Taloha; efa lasa izy rehetra ireo.

<sup>181</sup> Ankehitriny isika dia vonona, miandry an'ireo fampakarana, ny Fampakarana an'ireo olo-masina. Efa voateny izany, ary ho tanteraka. Rehefa milaza zavatra iray Andriamanitra hoe, "Ny lanitra sy ny tany ho levona, fa izany Teny izany dia tsy ho diso mihitsy."

<sup>182</sup> Rehefa nilaza Andriamanitra, tany amin'ny Genesisy 1 tany, hoy Izy hoe, "Aoka hisy mazava," ary mety efa nisy an-jato taonany talohan'ny nisian'ny mazava iray. Hoy Izy hoe, "Aoka hisy hazo palma iray. Aoka hisy hazo ôka iray. Aoka hisy tany efitra iray. Aoka hisy tendrombohitra iray. Aoka hisy *ity*." Noteneniny izany, hitanareo. Ary raha mbola nivoaka avy teo amin'ny Vavany foana izany, tao amin'ny Teny iray, dia tsy maintsy voaseho izany. Tsy maintsy misy izany. Rehefa . . .

<sup>183</sup> Avy eo indray andro, dia niantso ny Olony hivoaka Izy. Ary niteny tamin'ny lehilahy iray Izy nantsoina hoe Mosesy, tamin'ny alàlan'ny Andry Afо iray, Hazavana iray; Masina, Afо Masina. Ary Mosesy dia tsy . . . Tsy nino an'i Mosesy ny olona, noho izany dia hoy Izy hoe, "Ento manketo amin'ity tendrombohitra ity izy ireo."

<sup>184</sup> Tamin'io maraina io, dia feno Afо tanteraka ilay tendrombohitra, sy tselatra ary kotokorana tahaka an'izany. Dia hoy ny olona hoe, "Aza avela hiteny Andriamanitra. Aoka i Mosesy no hiteny," hitanareo, "fandrao ho levona izahay."

<sup>185</sup> Hoy Andriamanitra hoe, "Tsy hiteny amin'izy ireo tahaka an'izao intsony Aho, fa hanangana mpaminany iray ho azy ireo Aho. Ary hiteny amin'ny alàlany Aho, ka izay lazainy dia hiseho. Amin'izay fotoana izay, dia henoy Izany, satria Izaho no—Izaho no momba azy." Ankehitriny, Izy no niteny an'izany. Izy no nilaza fa hiseho izany.

<sup>186</sup> Jereo ity mpaminany ity, Isaia, nitsangana tany; lehilahy iray, lehilahy mahay iray, lehilahy izay nahazo ny fankasitrhana avy tamin'ny, eny, tamin'ilay mpanjaka, satria nipetraka niaraka tamin'i Ozia izy. Ilay mpanjaka, izay lehilahy malaza, dia niezaka ny haka ny toeran'ny mpitory teny iray, indray mandeha, ary nuditra, tratran'ny habokana.

Ary izany no noteneniko tamin'ireo mpandraharaha. Aza miezaka maka ny toeran'ny mpitory teny iray mihitsy. Tsia, tompoko. Mijanòna tsara eo amin'izay misy anareo. Hitanareo? Ataovy ny asanareo, izay napetrak'Andriamanitra, noteneniny taminareo mba hatao. Raha rantsan-tànana iray ianareo, dia tsy mety ho sofina iray mihitsy. Raha sofina iray ianareo, dia tsy ho orona iray mihitsy, orona na maso. Hitanareo? Mijanòna ao amin'ny toeranareo.

<sup>187</sup> Efa nandre an'ilay Hafatra ianareo, indray andro, teo amin'ny fampielezam-peo: *Miezaka Manao Asa Iray Ho An'Andriamanitra*. Davida, mpanjaka voahosotra. Ny olona rehetra dia nihiaikiaka sy niantsoantso hoe, "Marina izany."

Saingy tsy nanontany ny mpaminanin'Andriamanitra mihitsy izy. Ary lehilahy iray no maty, ary simba ilay zavatra manontolo. Aza miezaka manao asa iray ho an'Andriamanitra. Miandrasa mandra-pahafenon'ny fepetran'Andriamanitra. Avelao ilay izy ho tonga araka ny Fomba fanaovany azy. "Hanomboka an'ity zavatra goavana ity aho. Izany dia hanao an'ity." Mitandrema tsara, rahalahy.

<sup>188</sup> Ankehitriny, Davida dia nahafantatra tsaratsara kokoa noho izany. Tao amin'ny firenena i Natana, tamin'io andro io. Izy aza dia tsy nanontaniana akory, mihitsy. Hitanareo? Nanontany an'ireo mpifehy zato sy arivo izy. Ny olona rehetra dia nihiakiaka, sy niantsoantsosy, ary nandihy. Raha tokony... Nanana ny fanentanana ara-pivavahana rehetra izy ireo, saingy tsy tao amin'ny tsipika sy laharan'ny Tenin'Andriamanitra ilay izy, ka tsy nahomby izany.

Ny zavatra hafa rehetra, izay tsy ao amin'ny tsipika sy laharan'ny Tenin'Andriamanitra, dia tsy hahomby. Ny Tenin'Andriamanitra irery ihany no haharitra mandrakizay. "Ny lanitra sy ny tany ho levona, fa tsy Ny Teniko."

<sup>189</sup> Mariho i Isaia, io lehilahy tanora mahay nitsangana teo io. Tampoka teo, dia nandôna azy ny Fanahy. Tsy afaka nilaza hafa izy. Mpaminany iray izy. Hoy izy hoe, "Indro, hanan-anaka ny virijiny." "Zazalahy no teraka ho antsika; Zaza no teraka, Zazalahy no nomena antsika. Ny Anarany dia hatao hoe Mpanolo-tsaina, Andrian'ny Fiadanana, Andriamanitra Mahery, Rain'ny Mandrakizay. Ny faran'ny... Ny Fanapahany dia ho eo an-tSorony. Ny faran'ny... Tsy hisy farany ny Fanjakany." Ahoana no nahafahan'io lehilahy io hilaza am-pahendrena fa hanan-anaka ny virijiny?

Nanantena an'izany ny olona rehetra. Efa voateny izany. Izany no HOY NY TOMPO HOE. Tsy maintsy niseho izany, satria izany no Tenin'Andriamanitra. Tahaka an'izany ny tao amin'ny Genesisy, rehefa namboly an'ireo voa ireo tao ambanin'ny ranomasina Izy, rehefa "tsy nisy endrika izany, ary foana; ary rano no teo ambonin'ny lalina." Hitanareo? Tsy maintsy niseho izany. Ary indray andro, valonjato taona taty aorianana, dia bevohoka an'ilay Voan'Andriamanitra ny kibon'ny virijiny iray, Voa noforonina iray. Niteraka Zanakalahy iray izy.

<sup>190</sup> Io Zanakalahy iray io ihany no nitsangana, indray andro. Hoy Izy hoe, "Lazarosy, mivoaha." Ary lehilahy iray izay efa maty nandrity ny efatra andro, lô, nilatsaka ny orony, maimbo, no nivoaka. Hoy Izy:

*Aza gaga amin'izany ianareo: fa avy ny ora, (Amena.)  
ka ny rehetra izay ao am-pasana no handre ny feon'ny  
Zanak'Andriamanitra,*

Noho izany, efa voateny ilay izy. Tsy maintsy tahaka an'izany no hitrangany. Hisy Fampakarana iray. Oh, oadray!

<sup>191</sup> Tsaroako, ny Hafatro farany mihitsy tany California, izay noheveriko fa tsy hiverenako intsony indray, rehefa nilaza mialoha aho hoe, "Handeha any ambanin'ny ranomasimbe i Los Angeles. HOY NY TOMPO HOE." Handeha izy. Vita ny aminy. Voafaoka izy. Tapitra ny aminy. Amin'ny ora inona? Tsy fantattro hoe rahoviana, fa hilentika izy. Taorian'izany avy hatrany, dia nanomboka nanozongozona sy nanovitrovitra ireo horohorontany.

<sup>192</sup> Tsarovy, maro aminareo lehilahy no nitsangana tany mihitsy, ilay vatolampy, tamin'io andro izay nidinan'io Anjely io tany. Ary nilatsaka avy tany An-danitra io Hazavana sy Afo io, nanerana an'ilay vatolampy izay nitsangananay tany. Nivoaka avy tao amin'ireo tendrombohitra ireo vatolampy, ary nianjera nanerana tany. Nipoaka intelo izy, mafy. Hoy aho hoe, "Hamely ny Morontsiraka Andrefana ny fitsarana." Roa andro taorian'izay, dia saiky nilentika i Alaska.

<sup>193</sup> Tsarovy, ilay Andriamanitra iray ihany izay nilaza an'izany, no nanao hoe, "Voaheloka i Los Angeles." Ary vita ny aminy. Tsy fantattro hoe rahoviana. Tsy afaka miteny aminareo aho.

<sup>194</sup> Tsy fantattro hoe nilaza an'izany aho. Fa ity rahalahy eto ity, mino aho fa ilay izy dia . . . Tsia. Iray amin'ireo Mosely, mino aho, no namoaka ahy teny an-dàlambe tany. Tsy fantattro hoe inona ilay izy raha tsy njery aho. Nijery tao amin'ny Soratra aho.

Ary hoy Jesosy hoe, "Ry Kapernaomy, ry Kapernaomy, impiry . . . Ianao izay nanandratra ny tenanao . . ." (raha ny marina) ". . . hatrany An-danitra, dia hampidinina hatrany amin'ny helo. Fa raha ireo asa mahery izay natao teo aminao, no natao tany Sodoma, dia ho naharitra izy androany." Ary teo amin'ny dimampolo amby zato taona taty aoriana, (Sodoma dia efa, tao ambanin'ny tany) avy eo i Kapernaomy dia ao anaty rano, ihany koa, androany.

<sup>195</sup> Ary io Fanahin'Andriamanitra iray ihany io izay nilaza an'ireo zavatra rehetra ireo, sy nanao an'ireo zavatra rehetra ireo, Izy no nilaza tany hoe, "Oh, ry tanàna, Kapernaomy, izay niantso ny tenanao araka ny anaran'Anjely, Los Angeles, toy ny ahoana no nanandratanao ny tenanao hatrany an-danitra! Ilay tena faka sy sezan'i Satana mihitsy," (Hitancareo?) "nanandratra ny tenanao ianao."

<sup>196</sup> Ireo mpitory teny, tokotanim-pasana ho azy ireo izany. Mandeha any ireo lehilahy tsara ary maty tahaka ny voalavo. Faharavàna toy ny inona!

<sup>197</sup> "Ianao izay miantso ny tenanao araka ny anaran'Anjely; raha natao tany Sodoma ireo asa mahery, izay natao teo aminao, dia ho naharitra izy androany. Saingy tonga ny oranao."

Diniho dia jereo. Raha tsy izany ilay izy, dia mpaminany sandoka iray aho. Hitancareo? Eo izy. Mipetraka eo izy.

<sup>198</sup> Tsaroako tamin'io alina io, talohan'ny nahitako an'izany, nahita ny fahitana mialoha an'ny Ampakarina aho. Nitsangana teo aho ary nahita ramatoa kely iray tsara tarehy, nitafy tsara mihitsy, sy ny sisa, nandeha tamin'ity lèlana ity. Nisy Olona iray nitsangana teo akaikiko, tao amin'ilay fahitana. Ary nahita aho. Hoy izy ireo hoe, "Ny fahitana mialoha an'ny Ampakarina." Nahita Azy nandalo aho. Tonga tamin'ity ilany ity izy ireo, ary nandeha nihodina.

<sup>199</sup> Nandre an'ilay izy tonga aho, ireo—ireo fiangonana tonga avy tamin'ity ilany *hafa* ity. Indro tonga ilay fiangonan'i Azia. Oh, miresaka ny amin'ny loto ianareo! Indro tonga ilay fiangonana Europeana. Oh, oadray! Ary avy eo dia nandre rock-and-roll iray tonga aho, ary i Miss Amerika izany, ilay fiangonana, ary tsy nanao akanjo mihitsy akory aza izy. Nanana taratasy izy, tahaka ny gazety, volontany, nazoniny teo anoloany, nandihy tamin'ny rock-and-roll; Miss Amerika, ilay fiangonana.

<sup>200</sup> Nitsangana teo amin'Ny Fanatrehany aho. Nieritreritra aho hoe, "O Andriamanitra, amin'ny maha-mpitoriteny iray, dia izao ve no tsara indrindra azonay natao? Oh! Oh!" Fantatrareo hoe ahoana no tsapanareo. Avy eo dia nieritreritra aho hoe, "Andriamanitra, afeno aho. Raha afaka miala lavitra eto fotsiny aho. Raha ny rehetra izay nataonay, nefo izao no tsy maintsy novokarinay, dia izao ve izany?"

<sup>201</sup> Ary avy eo rehefa nandalo ireo vehivavy ireo, ny rehetra dia nanao ny karazana fihilangilana rehetra sy ny sisa, ary volo fohy, sy tarehy niloko. Ary raha nandalo tahaka an'izany izy ireo, natao ho virijiny ho an'i Kristy. Ary rehefa nandalo tahaka an'izany izy ireo, dia nahodiko ny lohako, fantatrareo, niaraka tamin'ny fihazonana an'ity teo anoloako. Izany dia—fahafaham-baraka izany, ny lamosin'izy ireo. Ary teo izy ireo, nandeha tahaka an'izany. Dia nahodiko ny lohako, mba hitomany, tahaka an'izao.

<sup>202</sup> Hoy aho hoe, "Izaho—tsy afaka nahatanty an'izany aho ato. Izy nitsangana teo, ary izaho mahafantatra fa izaho, mpitoritenin'ilay Fiangonana, nefo izany no novokariko ho Azy." Hoy aho hoe, "O Andriamanitra, tsy afaka mijery an'izany aho. Avelao aho ho faty. Avelao aho—avelao aho hanjavona," sy tahaka an'izany.

<sup>203</sup> Ary vantany vao nivoaka izy, isaky ny tonga ny iray tamin'izy ireo, dia nivoaka nankany amin'ny toerana anankiray, avy eo dia lasa. Nandre an'ilay feony fotsiny aho raha lasa izy.

Avy eo aho dia nandre zavatra iray toy ny hoe *Mandrosoa, Ry Miaramila Kristiana*. Nijery aho, ary indro tonga ilay andiana zazavavy kely masina arak'izay naha-izy azy ireo marina mihitsy, ny rehetra nitafy tsara, ny volony nihantona nidina hatrany an-damosiny. Milamina, madio, mandeha tahaka an'izao, amin'ny famindran'ny Filazantsara. Izy no Teny. Toy ny

hoe nisy anankiray isaky ny firenena izy ireo. Nijery an'izany aho raha nandalo izy ireo, ary nahita azy ireo nandalo. Raha tokony ho nandeha nidina, dia nanomboka nandeha niakatra izy ireo.

Voamariko ny iray tamin'izy ireo nanandrana, roa na telo tamin'izy ireo nanandrana, niala tamin'ny laharana. Niantsoantso aho hoe, "Mijanôna ao amin'ny laharana!" Dia niala tamiko ilay fahitana. Ary nitsangana tao amin'ny efitra aho, niantsoantso hoe, "Mijanôna ao amin'ny laharana!" Laharana, izany . . .

<sup>204</sup> Manontany aho, mety efa lasa ve ilay izy? Mety efa nantsoina ve ny Ampakarina? Izany ve no andalovantsika androany?

Tsy maintsy voalasitra izy ary natao araka ny endrik'i Kristy, ary Kristy no Teny. Izany ilay zavatra tokana. Hitanareo? Izany dia Ao anatiny ao, ao anatin'ny Teny. Izany fo... Hitanareo? Tsy azo ampiana zavatra anankiray izany. Izany dia tsy mety ho—ho vehivavy iray miaraka amin'ny tâhana iray tahaka ny olona, ary ilay tâhana hafa miaraka amin'ny tongotra iray tahaka ny alika. Izany dia tsy maintsy ho ny Tenin'ny Tompo marina tokoa, tahaka Azy izay ny Teny. Ny Ampakarina dia ampanhan'ny Mpampakatra. Ny vehivavy dia ampanhan'ny vadiny, satria nalaina avy tao amin'ilay vady izy. Eva dia ampanhan'i Adama avy tao amin'ny lanivohony. Ary toy izany koa ny Ampakarina, tsy nalaina avy tamin'ny anaram-piangonana iray, fa nalaina avy tao amin'ny tratran'ny Tenin'Andriamanitra ho an'izao andro izao.

<sup>205</sup> Ny Fampakarana!

Hotsofina ny trompetran'ny Tompo, hitsangana ny maty ao amin'i Kristy,  
Ka hizara ny voninahity ny Fitsanganany;  
Rehefa hiangona any an-Tranony any ankoatry ny lanitra ireo voafidy.

Rehefa antsoina any ambony any ilay horonana, dia ndao isika rehetra hiezaka ny ho Any, ry sakaiza. Andriamanitra hitahy anareo.

<sup>206</sup> Efa voateny izany. Tsy maintsy hiseho izany. Hiseho izany. Ary kely... [Elanelana tsy voaraki-peo—Mpand.]

Ny olona, tsy misy anankiray maniry ny ho faty. Tsy misy anankiray maniry ny—ny ho very. Mamelà ahy hiteny aminareo. Na inona na inona ataonareo... Tsy ahoako na tsara toy ny ahoana no andehananareo any am-piangonana, ary mahatoky toy ny ahoana amin'ny fiangonana ianareo. Mahafinaritra izany; tsy misy na inona na inona manohitra an'izany. Tokony mandeha any am-piangonana ianareo. Ataovy izany. Manohiza mandeha any am-piangonana. Fa, na inona na inona, ario lavitra fotsiny ireo fombafombanareo, ary mandrosoa avy hatrany mankao amin'i Kristy. Satria, hotsofina izany indray andro any, ka ho tratra miaraka amin'ny mariky ny bibidia ianareo eo aminareo,

nefa tsy mahafantatra hoe inona izany raha tsy efa tara loatra. Marina tokoa izany.

<sup>207</sup> Andriamanitra hitahy anareo. Miala tsiny aho nihazona anareo. Ary tsarovy. Nihazona azy ireo ela loatra aho teto. Marina izany. Ary ilay rakitra izay nalainareo ho ahy...Fa, tsy nangataka anareo hanao an'izany aho, rahalahy. Izany dia, oadray, fomba fanajana izany. Alaivo izany ary aloavy amin'ity tranom-bahiny ity ilay—ilay ora amboniny, satria nihazona azy aho. Nanana zavatra vitsy fotsiny aho eto. Manana eo amin'ny pejy valo na folo amboniny aho eo amin'io Fampakarana io eto, saingy izaho—tsy nanana fotoana hanomezana an'izany fotsiny aho. Andriamanitra hitahy anareo.

<sup>208</sup> Tianareo ve ny Tompo Jesosy? [Hoy ny fiangonana hoe, “Amena.”—Mpand.] Ndao isika hipetraka tsara fotsiny iray minitra ankehitriny, moramora, am-panajana, ary tsarovy izay nolazaiko. Tsarovy, ao amin'ireo ora farany isika.

Rava ireo firenena, mifoha Isirael,  
Ireo famantarana izay nolazain'ny Baiboly  
mialoha;  
Voaisa ireo andron'ny Jentilisa, miaraka amin'ny  
tahotra manarona;  
“Miverena, O ry niely, ho amin'ny anareo  
manokana.”

Akaiky ny andron'ny fanavotana,  
Raiki-tahotra ny fon'ny olona;  
Aoka ho fenoina ny Fanahy, ny fanilonareo ho  
voadio sy hazava,  
Miandrindrà, akaiky ny fanavotana anareo.

Fantatrareo ve izany?

Mandainga ireo mpaminany sandoka, lavin'izy  
ireo ny Fahamarinan'Andriamanitra,

Fantatsika fa marina izany rehetra izany. Sa tsy izany?  
[Elanelana tsy voaraki-peo—Mpand.]

Tiako Izy, tiako Izy  
Satria nitia ahy mialoha Izy  
Ka nividy ny famonjeko  
Teo amin'ny hazon'i Kalvary.

<sup>209</sup> Firy no tia Azy marina tokoa? Atsangano ny tanganareo. Ankehitriny, dia tiako ianareo, raha mbola mihira an'izany indray isika, handray ny tangan'ny olona akaikinareo. Manaova hoe, “Andriamanitra hitahy anao, ry mpivahiny.” Mpivahiny isika. Sa tsy izany? [Hoy ny fiangonana hoe, “Amena.”—Mpand.] Mpivahiny sy vahiny.

Tiako Izy,  
Izay ilay izy, eo amin'ilay latabatra mihitsy.

Tiako Izy  
 Satria nitia ahy mialoha Izy  
 Ka nividy ny famonjeko  
 Teo amin'ny hazon'i Kalvary.

<sup>210</sup> Te-ho voaray ao amin'ny Fampakarana ve ianareo? [Hoy ny fiangonana hoe, "Amena."—Mpand.] Firy no liana ho voaray ao amin'ny Fampakarana? Manaova hoe, "Andriamanitra, te-ho voaray ao amin'izany aho, amin'ny foko rehetra."

*Mihazònà Eo Amin'ny Tànan'Andriamanitra Tsy Miova,*  
 hainareo ve ilay hira? Hainao ve izany, ranabavy? *Mihazònà Eo Amin'ny Tànan'Andriamanitra Tsy Miova.* Tsy fantatro hoe inona... Ao amin'ny inona ilay izy, ho an'io anankiray io? Hah?

Mihazònà eo amin'ny tànan'Andriamanitra tsy miova!  
 Mihazònà eo amin'ny tànan'Andriamanitra tsy miova!  
 Aoreno eo amin'ireo zavatra Mandrakizay ny fanantenanareo,  
 Mihazònà eo amin'ny tànan'Andriamanitra tsy miova!

Tianareo ve izany?

Rehefa tapitra ny diantsika,  
 Raha nahatoky tamin'Andriamanitra ianareo,  
 Tsara tarehy sy mamiratra ny tranonareo any amin'ny Voninahitra,  
 Hahita ny fanahinareo nampakarina!  
 Mihazònà eo amin'ny tànan'Andriamanitra tsy miova!  
 Mihazònà eo amin'ny tànan'Andriamanitra tsy miova!  
 Aoreno eo amin'ireo zavatra Mandrakizay ny fanantenanareo,  
 Mihazònà eo amin'ny tànan'Andriamanitra tsy miova!

Tiako ianareo hanondrika ny lohanareo vetivety fotsiny ankehitriny.

Aza mitsiriritra ny harem-poanan'ity izao tontolo izao ity,  
 Izay malaky mihalò,  
 Katsaho izay hahazoana ny harena any Andanitra,  
 Tsy ho levona mihitsy izy ireo!  
 Mihazònà eo amin'ny tànan'Andriamanitra tsy miova!  
 Mihazònà eo amin'ny tànan'Andriamanitra tsy miova!

Aoreno eo amin'ireo zavatra Mandrakizay ny fanantenanareo,  
 Mihazòna eo amin'ny tènan'Andriamanitra tsy miovao!

<sup>211</sup> Miaraka amin'ny lohanareo miondrika, ary ity ao an-tsaina, mahafantatra fa manondrika ny lohantsika mankany amin'ny vovoka izay nakàna antsika isika, izay hiverenantsika indray andro any, mahafantatra fa manana fanahy iray ianareo any izay tsy maintsy hamaly an'Andriamanitra. Ary raha tsapanareo fa tsy vonona ho amin'io Fampakarana io ianareo, raha ho tonga izao hariva izao Izany, ka te-ho tsarovana ao amin'ny vavaka ianareo, dia atsangano fotsiny ny tènanareo. Tsy manana toerana hanaovana antso eny amin'ny alitara isika. Ny alitaranareo dia ao am-ponareo, na ahoana na ahoana. Atsangano ny tènanareo. Andriamanitra hitahy anao, ianao, ianao. Oadray!

“Tsapako fa tsy vonona aho, Rahalahy Branham. Izaho—izaho, marina tokoa, izaho—izaho—te-ho Kristiana iray aho. Efa niezaka ny ho izany aho, saingy misy zavatra tsy ampy foana. Izaho—fantattro fa izaho—tsy eo amin’izay tokony hisy ahy fotsiny aho.”

“Mamindrà fo, Andriamanitra. Manangana ny tènako aho. Mamindrà fo amiko.”

Ankehitriny, eo amin'ny tènana roapolonana telopolo eo no nitsangana, sahady, tao amin'ity vondrona kely ity. Mbola misy amboniny mitsangana.

<sup>212</sup> Andriamanitra malala, Ianao no mahafantatra an’izay ao ambadik’io tènana io, ao ambanin’ny fo ao. Mivavaka ao, Andriamanitra malala. Zavatra tokana ihany no mahatompont’andraikitra ahy, izany dia, ny miteny ny Fahamarinana. Ary, Andriamanitra malala, te-ho vonjena izy ireo. Izy ireo dia mila, marina tokoa. Izy ireo—tsy mila an’io zavatra izay fientanam-po iray fotsiny io izy ireo, namboamboarina iray, rafitra ara-anaram-piagonana iray, fanekem-pinoana iray, dogma iray izay nanampiana. Azon’izy ireo, Ray, fa ilay izy dia mila ny Tenin’Andriamanitra madio, tsy mifangaro. Ny zavatra hafa rehetra dia ho levona, na dia ny lanitra sy ny tany aza, fa Izany dia tsy ho levona. Ary raha izahay izany Teny izany, dia handalo ao ambaninay ny tany, fa izahay tsy mety ho levona mihitsy, satria izahay izany Teny izany, ilay Ampakarin’ny Mpampakatra.

<sup>213</sup> Mivavaka ho an’ny tsirairay avy aho, mba Hanekenao ho azy ireo, Ray, izany no fivavako tso-po. Ary mamela ahy, Ray, nohon’ny nahalasa tena nikorontan-tsaina izao hariva izao, niditra teto tara, ary—ary nangovitra, sy nilaza an’ireo teny simba sy tapatapaka. Na manao ahoana na manao ahoana, ry Fanahy Masina lehibe, dia atambaro ao amin'ny Fombanao Masina Manokana izy ireo, ary ento mankao amin'ny fon'ny

olona izy ireo, avy amin'ny foko, ary ny antony sy ny tanjona ato am-poko izay ananako ho Anao. Tsy hanao ve Ianao, Tompo? Ary vonjeo izay azo vonjena. Sintony mankeo Aminao, Tompo. Ary enga anie izahay ho vonona amin'io oran'ny fampakarana izay antomotra tsy ho ela io. Fa mangataka an'izany amin'ny Anaran'i Jesosy aho. Amena.

Andriamanitra hitahy anareo.

Ankehitriny, ilay filohan'ny—an'ny fivoriana.



*NY FAMPAKARANA* MAG65-1204  
(The Rapture)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy hariva, 4 Desambra, 1965, ho an'ny fanasan'ny Full Gospel Business Men's Fellowship International tao Ramada Inn ao Yuma, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)